

DE ECLAMPSIA
GRAVIDARUM PARTURIENTIUM ET
PUERPERARUM.

DISSERTATIO INAUGURALIS

MEDICO - OBSTETRICIA

QUAM CONSENSU ET AUCTORITATE

GRATIOSI MEDICORUM ORDINIS

IN

UNIVERSITATE LITTERARUM CAESAREA
DORPATENSI

AD GRADUM

DOCTORIS MEDICINAE

RITE ADIPISCENDUM

LOCO CONSUETO PUBLICE DEFENDET AUCTOR

Joannes Odin,

Ivan Rikke, CURONUS.

Kasmatuke

55-804



DORPATI LIVONORUM,

TYPIS HENRICI LAAKMANNI.

MDCCCXLIX.

PRAECEPTORI SUMME VENERANDO

FAUTORI AMICO

Imp r i m a t u r

haec dissertatio ea conditione, ut, simulac typis fuerit excusa, quinque
ejus exempla tradantur collegio ad libros explorandos constituto.

Dorpati Livon. die XXIII mens. Mart. a. 1849.

(L. S.)

Dr. Bidder,
ord. med. h. t. Decanus.

PIERS USO WALTER

PROFESSORI LITER. UNIVERSITATIS DORPATENSIS P. O.

HOC OPUSCULUM

PIO GRATIQUE ANIMO



OFFBRT

AUCTOR.

PRAEFATIO.

Nostra aetate, qua anatomia pathologica tantos processus effecit ac viam indicavit, qua ad cognoscendam morborum naturam perveniamus, jure ac merito postulatur ut morbi non sicut antea fieri solebat, simpliciter tractentur, sed ut quaevis sententia, de morbo aliquo lata, exitu sectionum quum affirmetur tum corrigatur. In quibusdam autem morbis, praesertim ubi ad naturam eorum cognoscendam sanguis et substantia nervorum accuratius inquirenda sunt, longo tempore opus erit, donec satis edocti simus; at interdum tot homines morbis illis non pervestigatis continuo absumuntur. In casibus ejusmodi ut medici observationes in cura factas in medium

proferant maxime optandum est. Id potissimum in themate
hoc eligendo spectavimus: non solum quae ipsi in noso-
comio nostro obstetricio, ill. prof. *Walter* praeceptore,
experientia didicimus, hoc libello publici juris faciemus,
sed etiam sententias nonnullorum illustrium medicorum
afferemus. E morbis, quorum descriptionem fini libelli
adjecimus, tres intra annum in nosocomio nostro obser-
vati sunt, extremum prof. *Walter* e praxi privata nobis-
cum communicavit.

Ex permultis morbis, quibus feminae in graviditate, in
partu ipso et in puerperio afficiuntur, saevissimus est et mortem
saepissime affert is, qui nomine Eclampsiae appellatur, et quo
convulsiones universales clonicae et tonicae rapidissimo decursu,
ex graviditate et partu profectae atque cum sensuum defectu
conunctae significantur.

Quanti momenti sit hoc genus convulsionum, sine dubio
jam antiquissimos viros medicos non effugit; non tamen distin-
xisse videntur inter hunc morbum, qui tantum feminae gravidae,
parturienti proprius est, et alias similes formas convulsivas,
atque *Mauriceau*, qui partus cum convulsionibus conjunctos ita
describit, ut maximam similitudinem habeant cum Eclampsia
nostrae aetatis, de quadam propriaetate earum nihil memorat.
Sauvages primus distinxit inter Eclampsiam et epilepsiam,
dicens: „Eclampsia differt ab epilepsia vulgari, quod sit acuta,
quandoque remittens, aut omnino continua; — — definiri potest
morbus convulsivus clonicus acutus, cum sensuum in paroxysmo
feriatione.“ Haec distinctio autem non ab omnibus recepta est,
nam paulo post *Cullen*¹⁾ audimus dicentem, utrumque morbum
omnino parem esse. Qua sententia motus, *Hamilton* anno 1801
denuo hunc errorem oppugnavit, ac paucis verbis quod utriusque
morbo proprium esset et qua re inter se different descriptit.

1) *Meissners Forschungen des 19ten Jahrhunderts etc.* I^r Thl.
pag. 156.

Quamquam ex illo tempore plerique auctores mouent, ne Eclampsia cum aliis morbis convulsivis confundatur, non tamen omnes diversitatem illam persuasam habere videntur, id quod partim ex ipsis verbis scriptorum elucet, si exempli gratia *Capuron* dicit: „Lorsque les convulsions sont générales, elles ressemblent plus ou moins à l'hystérie ou à l'épilepsie; peut-être même ne sont elles que des accès de ces deux maladies, déterminés par l'exaltation de la sensibilité durant le travail” — ; aut si *Desormeaux*²⁾ epilepsiam, catalepsiam, tetanum et convulsiones, in graviditate etc. ex magnis inanitionibus ortas, non ab Eclampsia differre contendit; partim ex variis formis, quas nonnulli auctores, in quorum numero *Deweess*, Eclampsiae derunt, necessario colligitur.

Ut periculum hujus erroris, quoad fieri potest, evitetur, hoc loco breviter describamus ea genera convulsionum, quibuscum Eclampsia saepissime confusa est.

1. Convulsiones hystericae. Plerumque inveniuntur, per primos quattuor menses graviditatis (*Burns*)³⁾; *Canstatt*⁴⁾ contendit etiam, convulsiones, quae per illud tempus apparent, semper hystericas, nunquam vero Eclampsiam esse habendas, cum Eclampsia nunquam illo tempore inveniatur. Sed convulsiones hystericae etiam graviditate jam longius progressa et in ipso partu apparent (*Wigand*), et interdum insolitas formas convulsivas tetani, catalepsiae assumunt (*Kiwsch*). Feminae, quae his convolutionibus afficiuntur, pallidae, tenerae, nervosae sunt, saepe etiam extra graviditatem convolutionibus laboraverunt, doloribus preferendis non adsuetae (*Wigand*), — proclives ad animi defectus, aut ex alia caussa debilitatae sunt (*Burns*). Impetu non antecedunt apparitiones congestivae, sed

2) *Busch* und *Moser*, Handbuch der Geburtshilfe in alph. Ordng. pag. 67.

3) *Burns*, Handbuch der Geburtshilfe etc. pag. 494.

4) *Canstatt*, Handbuch d. med. Klinik. 3r Band, Iste Abthg. pag. 395.

quae solent hystericae, globus hystericus, frequens oscitatio, gemitus, palpitatio cordis; dolor capitis aut omnino non adest aut, si adest, non tam gravis et continuus est, caret signis congestionis ad caput. Impetus breviores esse solent, et facies non tam distorquetur, ut in Eclampsia fit; magis quieta igitur, pallida aut subrubra (*Deweess*) videtur; lingua dentibus non compressa est, spuma in ore non agitur; aegrotae frequenter spirant et gemunt; extremitates clonicis convolutionibus vehementissime afficiuntur, et saepe ingenti vi jactantur, spasmus tonicus plerumque formam opisthotoni habet, et interdum dorsum ita retrorquetur, ut vertex calcem attingat. Facultas autem sentiendi et percipiendi nunquam omnino sublata est, qua re praesertim has convolutiones ab Eclampsia differre *Hamilton*⁵⁾ dicit; impetus interdum asphyxia interrumpuntur (*Burns*), atque inter lacrimandum, singultendum, ructandum finiuntur, aegrota mentis suae statim compos fit, et eorum, quae facta sunt reminiscitur, pulsus tunc parvus, debilis, respiratio non impedita est; alii morbi paroxysmos non sequuntur (*Constatt*, *Burns* et alii). Hoc genus convolutionum plerumque nullum afferit periculum et *Deweess* eas sexies aut octies in decursu ejusdem graviditatis sine damno revertentes consideravit.

2. Convulsiones epilepticae. Hae maximam similitudinem habent cum Eclampsia et diagnosis in femina grava et parturienti vix fieri potest, praesertim quum domina *Lachapelle*⁶⁾ se casus observasse dicat, ubi epilepsia tantum per graviditatem tempus reversa sit; sed hae observationes a nullo alio auctore confirmantur, dicunt potius plerique epilepsiam saltem eadem frequentitate aliis quoque temporibus apparere, ac *Velpeau*⁷⁾ et *Meissner*, eam per tempus graviditatis et partus omnino non adesse, itaque graviditatem etc. minime caussam primam esse

5) *Hamilton*, praktische Bemerkungen etc. pag. 185.

6) *Meissner's Frauenzimmerkrankheiten*. pag. 317.

7) eodem loco.

epilepsiae, sed, si hoc tempore appareat, jam antea aliqua vi
damnosa eam provocatam esse contendunt. Si addimus, epilepsiam esse morbum chronicum, periodice revertentem, paroxysmos plerumque non tam frequentes esse, nec decursum gravitatis et partus turbare (*Deweess*); saepe eis antecedere auram epilepticam, et convulsiones epilepticas in universum minus esse tonicas, quam in Eclampsia fieri solet: in multis casibus profecto certam diagnosin statuere poterimus.

3. Convulsiones ex inanitione. In plerisque casibus causa, quae vehemens haemorrhagia esse solet, proprietatem harum convulsionum ita indicat, ut nullo modo cum Eclampsia confundi possint. Quisque impetus asphyxia finitur, paroxysmi frequentissime revertuntur et praecipue musculi faciei et pectoris convulsionibus afficiuntur (*Burns*⁸⁾), quo fit, ut sensus debilitatis et imbecillitatis magis magisque augeatur, et perspicuae apparitiones sanguinis defectus: facies pallida, extremitates frigidae etc. observantur, quae aegrotae visum dant prorsus contrarium ei, qui Eclampsia provocatur.

4. Convulsiones apoplecticae. Tantum in iis casibus, ubi stadium congestivum diutius apoplexiae antecedit et continuum est, similes impetus atque in Eclampsia oriri possent; mox tamen intrant apparitiones paralyticas, quae proprietatem harum convulsionum designant.

Eclampsia ut jam supra diximus per graviditatem, in partu ipso et in puerperio apparet, in qua re omnes auctores, *Deweess* et *Kiwiſch* exceptis, consentiunt. *Deweess*⁹⁾ dicit, feminas gravidas etiam ex aliis causis quam ex graviditate convulsionibus affici posse, id quod saepe fieri se putare, ac semper statendum esse, si malum non conjunctum sit cum apparitionibus, quae in partu occurrant. Si partus cauſa morbi sit, malum semper eo tempore apparere, quo fibrae uteri maxime extensae sint, et os tincae in partu dilatetur; aut si fibrae illae con-

8) *Burns*, Handbuch der Geburtshilfe etc. pag. 494.

9) *Deweess*, die Krankheiten des Weibes. pag. 252.

tentis uteri in excitationem ductae sint, quam impedire non possimus, et quae eandem vim exerceat atque partus ipse; se convulsiones observasse ante finitam graviditatem; tum vero uterum eandem excitationem passum esse, quam tempore foetus plane evoluti, et semper signa partus intrantis, ut ex exploratione, per vaginam facta, patuerit, adfuisse. Secundum hanc opinionem praecipue ex signis partus, prout aut adsunt, aut desunt, disjdicandum est, utrum aegrota convulsionibus alias generis aut Eclampsia correpta sit; sed supra commemoravimus non solum Eclampsiam, sed varias convulsionum formas cum partu posse conjunctas esse, itaque non quaeque forma convulsionum, quam in partu observamus, Eclampsia appellanda est; praeterea ex historia morbi, qnam Prof. *Walter* nobis narravit, scimus uterum feminae, Eclampsia affectae, nullum vestigium ostendisse actionis, quam in partu exercet, et feminam post magnam sanguinis evacuationem et post capitum superfusiones, aqua frigida institutas, ad bonam valetudinem reversam, tribus tantum hebdomadibus praeterlapsis, infantem peperisse. *Kiwiſch*¹⁰⁾ contendit partum ipsum cauſam esse Eclampsiae, et tantum proficisci posse ex uteri excitatione, quae similis sit excitationi in partu ipso. At secundum verba virorum *Blundell*, *Dugès*, *Mönchmeyer*, *Carus*, *Busch*, quae auctor ad opinionem suam confirmandam affert, Eclampsia graviditate nequaquam excluditur, sed potius ostenditur, Eclampsiam, si in graviditate apparet, saepe partum provocare, non vero ita, ut Eclampsia non interrupta graviditate nunquam desinat. Praeterea hoc loco observatio, quam adversus *Deweess* attulimus, adhibenda est.

Magis variae et discrepantes sunt sententiae de tempore, quo Eclampsia in graviditate apparet. Dum *Wigand* et *Blundell* nullam ejus periodum excipiunt, *Busch* se Eclampsiam aliquoties observasse refert mense quarto, *Velpeau* mense sexto, *Hasenberg* septimo, *Burns* convulsiones priorum mensium graviditatis

10) *Kiwiſch*, die Krankheiten der Wöchnerinnen. pag. 195.

plerumque hystericis adnumerandas esse contendit, *Canstatt*
autem primis quattuor mensibus Eclampsiam omnino excludi,
Chaussier Eclampsiam tantum extremis duobus mensibus et
*Ménard*¹¹⁾ eam tantum sub finem graviditatis inveniri dicit.
Multi auctores inter se consentiunt Eclampsiam primo graviditatis
dimidio raro solum apparere, ex hoc autem tempore, ut domina
*Lachapelle*¹²⁾ docet, frequentiorem esse, ita ut instanti partu
malum frequentissimum sit. Quum numerus caussarum morbi
graviditate progreudente augeatur, Eclampsiam sub finem gravidi-
tatis frequentissimam esse admodum verisimile est.

Omnes auctores in hoc consentiunt, partum ipsum id tempus esse, quo Eclampsia frequentissime observetur; et si alii alias partus periodum imprimis premunt, nos quidem censemus, quamque periodum satis idoneam caussam Eclampsiae dare, nec ita magnam differentiam inter varias periodos intercedere.

Secundum *Meissner* post partum Eclampsia rarissimo oriri videtur, secundum *Busch* autem pari modo apud feminas gravidas ac puerperas.

Maxime inter se discrepant auctores de frequentia Eclampsiae; nos quidem non consentimus cum domina *Lachapelle*, *Levret* et aliis, si dicunt, caussam varietatis illius imprimis in apparitione epidemica positam esse, sed potius in eo censemus, quod fines Eclampsiae nondum satis constituti sunt, et quod alii scriptores ei attribuerunt ambitum multo latiore, quam alii concedunt. Priusquam igitur diagnosis Eclampsiae inter viros doctos convenit, nobis satis inutile videtur referre, quoties Eclampsia quum omnino in partibus, tum per graviditatem, per partum et per puerperium observata sit, et tantum hoc ex relationibus illis intelligere possumus, quam variae sint observationes a variis scriptoribus factae.

<i>Merriman</i>	inter 10,000 partus	Eclamps.	observ.	48ies;	per gravidit.	—,	per part.	42, post part.	6
<i>Domina Lachapelle</i>	"	"	"	"	"	"	"	"	"
"	"	"	"	"	"	"	"	"	"
1825 Pacoud	• • •	• • •	• • •	22,943	"	"	27	"	4
1824	• • •	• • •	• • •	2,341	"	"	2	"	"
1825	• • •	• • •	• • •	1,615	"	"	7	"	"
1826	• • •	• • •	• • •	1,710	"	"	8	"	"
1827	• • •	• • •	• • •	2,341	"	"	16	"	"
Busch	• • •	• • •	• • •	3,201	"	"	14	"	"
Desjardins	• • •	• • •	• • •	—	"	"	21	"	"
Champion	• • •	• • •	• • •	1,000	"	"	7	"	"
Velpeau	• • •	• • •	• • •	3,000	"	"	10	"	"
Collins	• • •	• • •	• • •	—	"	"	21	"	"
Hausmann	• • •	• • •	• • •	16,414	"	"	30	"	"
Hart	• • •	• • •	• • •	15,000	"	"	4	"	"
Churchill	• • •	• • •	• • •	400	"	"	6	"	"
				38,000	"	"	79	"	"

11) Busch u. Moser, Hndbch d. Gbrtskde in alph. Ordng pag. 86.
12) M. i. —

12) *Meissners Frauenzimmerkrankheiten*. pag. 322.

Eclampsia vario modo divisa est; prout alius scriptor congestiva symptomata animadverterat, aliis autem Eclampsiam observaverat in femina debili, tenera et minus plethorica, exorta est Eclampsia, quae appellatur apoplectica, Eclampsia nervosa et inter utramque Eclampsia epileptica; alii autem divisionem in proprietate convulsionum posuerunt, itaque exortae sunt Eclampsiae cataleptica et tetanica; ut paucis dicam, raro aliis auctor in divisione ab alio facta acquievit, et quoad fieri potuit, novas formas addidit.

Ne a re ipsa longius distrahamur, omittamus quaerere, quo jure illae formae constitutae sint. Discrimine inter Eclampsiam et convulsiones hystericas, epilepticas etc. facto, cum *Wigand*, *Merriman*, *Canstatt* et aliis consentimus, naturam Eclampsiae semper eandem esse: permutationem in organismo feminae graviditate et partu provocatam; itaque quamque divisionem in varias formas inutilem esse habendam. Diversitates autem apparitionum, quae per decursum morbi animadvertuntur, positas esse partim in constitutionum diversitate, partim in gradu, quem adeptus sit morbus, partim in subita aut tarda morbi evolutione, praecipue autem in eo, quod aut centrales, aut periphericae partes systematis nervorum primum affectae sint; — ac si *Kiwiisch* in hac re ponit divisionem Eclampsiae in congestivam et epilepticam, nos in ea tantum duplarem seriem caussarum agnoscimus, quae in permutationibus organismi profundioribus et nondum satis cognitis eundem morbum provocant, qui in apparitionibus paucas diversitates praebet, sed cuius cura, ut quaevis cura caussalis, aliquam rationem postulat.

Symptomata.

Transeamus nunc ad Eclampsiam ipsam accuratius contemplandam; per ejus decursum plerumque tria stadia distinguenda sunt:

- 1) Stadium prodromorum; 2) Stadium paroxysmorum cum intermissionibus; 3) Exitus morbi.

1. Pauci tantum medici sunt [*Ramsbotham*¹³⁾ *Mayer*], qui prodromos in quovis casu negent, et ob hanc ipsam inopinatam apparitionem morbum tam saevum describant; plerique statum utrumque, quum absentiam tum praesentiam prodromorum (*Chaussier*, *Johns*, *Burns*, *Carus*, *Blundell* et complures alii); alii denique (*Hamilton*, *Osiander*, *Wigand*, *Deweess*, *Betschler*) Eclampsiam nunquam sine prodromis apparere contendunt. In casibus, qui nobis noti sunt, Eclampsia semper statu organismi magis minusve morboso se indicavit. — Plurimae apparitiones, quae prodromi Eclampsiae habentur, congestionem ad partes centrales systematis nervorum, praesertim ad cerebrum, et irritationem aut pressionem cerebri, illa effectam, demonstrant; qua ex causa feminas videmus in magno animi motu, angore, tristitia, perturbatione; aut in statu continuo insomni et irritato, aut magna somnolentia, quae secundum *Burns*, si non solum extra dolores, sed etiam per tempus dolorum occurrit, praecipue animadvertenda est; facies feminarum rubra, caput perturbatum et calidum est, saepe vertigine, susurru et sonitu aurium molestantur; *Baudelocque*¹⁴⁾ etiam surditatem observavit; conjunctiva bulbi oculi subrubra est; aegrota interdum quasi per nebulam videt, scintillas et puncta nigra ante oculos habet, et nonnunquam omnino oculis capitur (*Baudelocque*); lingua interdum infirma est; aegrotae medio in enunciato deficiunt; saepe amittunt firmitatem incessus, ad res alliduntur, quas ambire voluerunt; interdum jam nunc apparitiones convulsivae in artibus et musculis faciei observantur; rigores, quiseundum *Carus* convulsiones minoris gradus sunt. Symptoma satis constans in numero prodromorum capit is dolor est saepe continuus et vehementissimus; *Deweess*¹⁵⁾ dicit se hoc symptoma semper observasse, et quidem fuisse dolorem vehementem et intensivum medio

(13) *Busch* und *Moser*. Handbuch d. Geburtshunde in alph. Ordng. pag. 71.

(14) Anleitung zur Entbindungskunst. Bd. I. pag. 552.

(15) Die Krankheiten des Weibes. pag. 250.

in capite anteriore, quem dolorem, ut aegrotae dicebant, similem fuisse sensui, quasi clavus capiti defixus esset; post hanc apparitionem tam constanter convulsiones secutas esse, ut semper quam celerrime lanceolam adhibuerit, quam agendi rationem admodum utilem se habere. Et in casibus a nobis relatis dolor capititer fere unicum symptoma observatum est. Secundum *Chaussier* et *Wigand* convolutionibus antecedit dolor in praecordiis; *Burns* quoque eum in nonnullis casibus observavit; ventriculum interdum primum organon esse dicit quod afficiatur, et aegrotam morti occumbere posse, antequam convulsiones intraverint; praeter hunc dolorem ventriculi reperiuntur nonnunquam aliae apparitiones gastricae, ut lingua obiecta, cibi fastidium, alvus astricta etc.; *Burns* porro symptoma non raro occurrens refert dolorem vehementem in loco aliquo columnae vertebralis fixum, qui aut solus, aut conjunctus cum dolore capitis reperiatur; similem observationem *Carus* fecit; *Busch* de tensione quadam secundum columnam vertebralem, *Siebold* de sensu rigoris aut frigoris loquuntur, *Rosenberger*¹⁶⁾ quoque duos casus refert, ubi dolor columnae vertebralis observatus est. *Meissner*¹⁷⁾ propriam quandam affectionem medullae spinalis in gravidis et parturientibus observavit; quae incipiat ab ardore in intestino recto et in regione sacrali, paulatim longius diffundatur et plerumque congestiones aut convulsiones secum ducat, postquam jam antea dolores puerperae praeter solitum vehementes fuerint, et extremitates convolutionibus affectae sint. *Osiander jun.*¹⁸⁾ in omnibus Eclampsiae casibus quos observavit faciem et manus turgidas vidit, ita ut tota facies, praecipue in regione musculi massetris, latior fiat, et omnia lineamenta amplificata videantur, manus autem tumidae et rigidae sint. Tumor autem, de quo

16) De eclampsia parturientium. Dissertatio inauguralis medica. Dorpati Livonorum 1829. pag. 12.

17) *Canstatt*, Handbuch d. med. Klinik. 3ter Band, 1ste Abthg pag. 221.

18) *Gemeins. deutsche Zeitschrift für Geburtshkunde*. Bd. 2, pag. 596.

hoc loco agitur, a solito oedematoso aut seroso diversa esse et magis in turgore venoso, quam in accumulatione serosa in textura cellulosa ei consistere videtur; secundum *Betschler*, qui eandem apparitionem observavit, hic turgor venosus exsudatione serosa finitur, quae exsudatio a multis medicis animadversa est (*Hamilton*, *Blundell*, *Burns*, *Busch*, *Betschler*); nos quoque in uno casu oedema per totum corpus diffusum vidimus. Pulsus diversus est, interdum tardus, plenus, tum magis depresso, irregularis. Si Eclampsia inter partum intrat, secundum *Mayer* paulo ante impetum dolores puerperae vehementiores fiunt. Denique notandum est: tantum raro multi ex his prodromis conjuncti observantur, sed ex diversis caassis modo hi modo illi reperiuntur; dolor autem capitis et turgor aut tumor faciei et extremitatum superiorum maxime animadvertisi sunt. Prodromi hi a paucis minutis usque ad nonnullas dies permanent.

2. Postquam hi prodromi brevius aut longius tempus durant, aut si omnino non adfuerunt, femina subito facultatem sentiendi et percipiendi amittit, et clamore acuto ac saevo collabitur; oculi rigescunt, facies feram speciem et colorem rubidum, livido-rubidum atque adeo cyaneum assumit, valde turgescit et prima fit sedes horribilium contortionum. Oculi seorsum et in partem exteriorem distorquentur; palpebrae aut diducuntur aut cito aperiuntur et clauduntur, — omnes musculi faciei convolutionibus clonicis afficiuntur, excepto musculo massetre, qui, tonice contractus, linguam forte prorectam dentibus comprimitur, ita ut extrema lingua aut cyaneo colore inducatur, aut vulnerata sanguinem effundere incipiat; spuma agitur in ore; fere eodem tempore caput aut subito, musculis cervicis tonice contractis, retrorsum et in sinistram partem trahitur, aut paulatim, contractionibus clonicis in tonicas transeuntibus, in eam ducitur positionem, qua per totum paroxysmum servatur; tum convulsiones per totius corporis musculos diffunduntur et eos interdum vehementissima agitatione corripiunt. Interdum dorsi quoque musculi contractionibus tonicis afficiuntur, ita ut corpus retror-

sum contorqueatur. Spasmo muscularum pectoris et laryngis respiratio admodum impeditur; spiritus aegre tantum ducitur et interdum omnino intercluditur; strepitus respirationis impedimentis modo appellatis, dentibus collisis et spuma in ore acta stridens fit; id quod *Denman*¹⁹⁾ signum tam singulare habet, ut jam ex hoc, non visa aegrota, se stantem in proximo cubiculo morbum agnosce dicat. Turgor faciei per collum et extremitates superiores continuatur; arteriae carotides plerumque vehementer citatae sunt, pulsus nonnunquam initio quidem plenus et durus est, per paroxysmos autem debilis, irregularis fit et vix sentiri potest; organa deglutitionis continuo spasmo contracta sunt, ita ut aegrotae, etsi in rarissimis casibus aliquid in os insereretur, tamen devorare non possent. Interdum evacuationes fortuitae tubi intestinalis et vesicae urinariae occurunt. In nonnullis casibus non ipso initio apparitiones congestionis ad caput manifestae sunt, ita ut facies pallidior videatur; haec diversitas observatur in feminis debilibus, per pallidis, praesertim si convulsiones initium capiunt a nervis uteri irritatis; si autem paroxysmus diutius permanet aut brevi tempore aliquoties repetitur, apparitiones quas supra descriptimus denuo observantur.

Uterus inter paroxysmos vario modo se habet: in gravitate, ubi nullam exercet actionem, interdum, praesertim si arte cito et graviter interceditur, impetus remittentes videmus, utero minime excitato; saepissime tamen dolores intrant, et exploratione per vaginam facta os uteri se aperiens observatur. De statu uteri per partum sententiae valde inter se discrepant: *Burns* cuivis paroxysmo antecedere dicit dolorem, qui illum provocaverit; ejusdem sententiae sunt *Hamilton*, *Dewees*, *Blundell*, *Meissner*. Secundum *Kiwiisch* uterus in forma Eclampsiae congestiva actionem normalem observare potest, — in forma epileptica autem impetus cum doloribus concurrunt, unde, si dolores frequentius revertuntur, eodemque tempore partus im-

peditur, impetus admodum cumulari possunt. *Wigand*²⁰⁾ docet convulsiones finito jam dolore incipere; uterum accuratius observatum triplici modo se habere: aut omnino quietum et otiosum, ut esse solet in intervallis dolorum normalium, aut mediis in convulsionibus actionem normalem et fortem exercere, aut denique ipsum spasmodis coripi, ita ut dolor, initio normalis, transeat in contractionem spasmodicam particularem aut in tetanum uteri. *Grenser*²¹⁾ ejusdem sententiae est, eo tantum discrimine, ut impetum una cum dolore dicat apparere. *Jörg* autem dolores Eclampsia potius debilitari et deprimi putat, quamquam in gravitate Eclampsia provocentur. *Busch* dicit in gravioribus Eclampsiae casibus dolores lente progredi, et, si citius evoluntur, frequentiam convulsionum diminui. Nos quidem uterum in uno casu vidimus in actione normali, in altero admodum prostratum, nec denique dubitamus, quin uterus etiam particularibus aut universis spasmodis coripi possit, et quidem praecipue in iis casibus, ubi Eclampsia initium ceperit ab irritatione abnormali nervorum uteri. Post partum quoque, ut *Kiwiisch* dicit, convulsiones contractionibus uteri provocantur; non quidem negamus hoc fieri posse, praesertim si dolores post partum vehementissimi sunt; sed observavimus convulsiones, ubi uterus erat in statu normali et adynamico.

Impetus, quos adhuc descriptimus, durant ab una minuta usque ad dimidiā aut totam horam, tum motus convulsivi paulatim remittuntur, facies aspectum horribilem deponit, pulsus denuo sentitur et regularior fit; respiratio facilior, quietior, maxilla inferior plerumque mobilis fit, ita ut lingua, dentibus compressa, in os reduci possit; aegrota positionem negligentem in lecto assumit atque in profundum soporem incidit, per quem stertens jacet. Si res ad melius se vertit, aegrota post aliquod

20) *Wigand*, die Geburt des Menschen. pag. 259.

21) *Schmidt*, Encyclopädie der gesammten Medicin. 2ter Band, 1ste Hälfte. pag. 234.

tempus e sopore expurgiscitur, — admirata circumspectat, plerumque tantum de languore, lassitudine et perturbatione capitis conqueritur; eorum quae facta sunt minime recordatur; aut sopor non interrupitur, sed transitum facit ad impetum novum et vehementiorem quoad intensitatem atque extensitatem, cui, secundum *Merriman*, antecedit retardatio pulsus conspicua. Tempus horum intervallorum admodum diversum est, ab aliquot minutis usque ad complures horas atque adeo dies durant (*Busch*), si Eclampsia per graviditatem appetit. Aegrota, nisi paroxysmi nimis cito revertuntur, primis intervallis mentis suae compos fieri solet; si autem jam aliquot paroxysmi per breve tempus redierunt, aegrota, nisi fortia remedia ad impetum amovendum adhibentur, ante partum finitum mentis suae non compos fit, atque etiam post partum, ubi convulsiones, nisi novae caussae accedunt, tantum nonnullis impetibus minus vehementibus revertuntur, sopor ille interdum unum aut plures dies permanet. Ex hac temporis varietate intelligitur, aegrotam, nisi partus finitus sit, nullo tempore a reditu Eclampsiae tutam esse. In plerisque casibus Eclampsia ante partum non desinit, itaque prout primum apparuit, complures aut paucos impetus facit; observati sunt impetus viginti et plures, sed interdum, si partus cito finitur, unus tantum reperitur.

3. Eclampsia finem assequitur aut in sanitatem transiens, qua in re impetus rarius subito desinunt, sed paulatim breviores, debiliores et rariores fiunt; in casu prospero aegrota mox e sopore expurgiscitur, mentis suae compos fit, sed nihil eorum recordans, quae per totum morbi decursum acciderunt, infantem ipsi oblatum suum agnoscere saepe recusat; tantum aliquod tempus remanent sensus langoris in artibus intentis, dolor in lingua vulnerata, perturbatio capitis et pulsus magis minusve citatus; in aliis casibus aegrota non statim mentis suae compos fit, sed primum, cogitationibus perturbatis, responsa non idonea edit; — aut in alias morbos transgreditur: paralyses particulares (*Haussmann*), caecitatem (*Mende*), maniam (*Meissner, Bieber-*

geil), insaniam (*Schneider*)²²⁾, peritonitin (dom. *Lachapelle*). *Busch* addit quoque inflammationem pulmonum et cordis et tantam nervorum sensibilitatem, ut aegrotae quavis occasione data denuo convulsionibus corripiantur.

Extremus et frequentissimus Eclampsiae exitus mors est, quae saepe vel fortissimo auxilio a partibus medici amoveri non potest. Mors aut subito intrat inter impetum, apoplexia congestiva aut haemorrhagica, aut in stadio soporoso, postquam respiratio stertorosa est facta, iisdem statibus pathologicis, si modo paulatim vim mortiferam nacti sunt, aut in puerperio ex alio morbo, qui ad Eclampsiam accessit, aut Eclampsia ipsa provocatus est; — aut mors evenit inter impetum ex paralyse cordis, aut in stadio soporoso post multos et vehementes impetus ex debilitate omnium nervorum (*Kiwich*). Sed hoc quoque in casu partes centrales nostra quidem sententia congestionibus non prorsus carent, quum multis impetibus circulatio semper vehementer turbetur, atque etsi illae apparitiones provocantur, quas in apoplexia retulimus, tamen, ut sectiones cadaverum docent, exsudatio majoris aut minoris copiae liquoris serosi efficitur, qui systemate nervorum perturbato facile mortem afferre posset. Raro tantum igitur solam paralysin nervorum habebimus. In singulis casibus Eclampsia jam post aliquot horas, paucis tantum paroxysmis praegressis, mortem adducit, — sic *Denman*²³⁾ casum refert, ubi mors jam post 35 minutis aegrotam vita privavit; plerumque autem mors post complures dies intrat.

Cadaverum sectiones minime nos adjuvant ad accuratiorem naturae morbi cognitionem, nec est cur miremur, si cogitamus primum convolutionibus omnino magis quam alio morbo, perturbationibus in corpore provocatis, primarium statum pathologicum obtigli posse, tum Eclampsiam saepe tantum per morbos sequentes mortiferam esse, porro ea quae in sectionibus

22) *Meissner, Frauenzimmerkrankheiten.* pag. 331.

23) *Meissner, Frauenzimmerkrankheiten.* pag. 332.

feminarum ex aliis morbis convulsivis mortuarum observata sint, sine dubio etiam sub nomine Eclampsiae communicata esse, deinde sectiones cadaverum non tam diligenter et accurate institutas esse, quam res postulat; sic exempli gratia canalis columnae vertebralis saepissime non aperiebatur; postremo, id quod maximi momenti est, quaestiones microscopicas et chemicas sanguinis et aliarum partium organicarum fere omnino neglectas esse. Itaque tantum cura symptomatica e sectionibus institutis utilitatem aliquam capere potest.

Plurimae et maxima permutationes in cranio inveniuntur: majora aut minora extravasata cruenta in cerebro ipso, in ventriculis, in basi crani aut inter membranas cerebri (*Hamilton, Targioni*²⁴), *Marchais*²⁵), *Leloutre*²⁶), *Schedel*²⁷), *Menière*²⁸), *Merriman, Betschler, Ramsbotham, Kiwisch et alii*); interdum status inflammatorius membranarum cerebri cum magnis exsudationibus serosis in ventriculis et inter membranas (*Siebold, Hewson*²⁹), *Hooper*³⁰), *Ley*³¹), *Betschler, Mikschik*); in aliis casibus sinus et vasa membranarum cerebri, partim quoque vasa cerebri sanguine turgent (*Bluff, Ramsbotham, Siebold, Haussmann, Hamilton, Denman*); inveniuntur autem casus, ubi exigua tantum vestigia congestionis aut parva exsudatio serosa cognoscuntur, aut prorsus nullae abnormitates adsunt (*Siebold, Mayer, Merriman, Bouteilloux*³²), *Cruveilhier*³³), *dom. Lachapelle*³⁴), *Baudelocque*³⁵), *Ciniselli*³⁶); interdum cerebrum exsangue fuit, (*Siebold, Ramsbotham*). Medulla spinalis nonnunquam inflam-

mata et magna copia liquoris serosi circumdata est (*Siebold, Meissner, Bluff*); in aliis casibus immutata. In cavo pectoris et in pericardio interdum magnae copiae liquoris serosi repertae sunt (*Siebold, Theod. Lovati*); *Denman* se cor semper praeter solitum flaccidum et ne unam quidem guttam sanguinis in atrio et ventriculo cordis reperisse dicit; abdomen secundum *Siebold* nunquam apparitiones abnormes praebuit; alii vero parvas ecchymoses sub peritonaeo animadverterunt (*Kiwisch*), aut peritonaeum inflammatum et pure obtectum, quibus in casibus cavum quoque abdominis liquorem serosum et purulentum continet. Secundum domin. *Lachapelle* pleraque feminae Eclampsia affectae ex peritoniti mortuae sunt.

*Bluff, Autenrieth*³⁷) et *Krimer*³⁸) inflammationem uteri observarunt, atque eam, excepto *Bluff*, caussam convulsionum habuerunt. *Hamilton* rupturam uteri, *Kiwisch* labiorum uteri, *Busch* etiam aliorum organorum, ut pulmonum aut inflammations eorum animadverterunt. *Kiwisch* in pluribus casibus emphysema pulmonum vidit.

Aetiologia.

Ut divisiones illae Eclampsiae, sic quoque sententiae auctorum de proximis ejus caassis valde inter se discrepant. *Hamilton* caussam Eclampsiae praedisponentem sitam esse dicit in singulari organismi statu, graviditate provocato; ejusdem sententiae *Busch* est: auctam sanguinis copiam, pressionem uteri in vasa et majorem sensibilitatem uteri maxime animadvertiscendas esse, atque omnes apparitiones ostendere, naturam morbi affectionem cerebri esse. *Carus* primariam caussam positam esse docet partim in statu morboso systematis nervorum, partim in abnormi habitu systematis vasorum, praecipue autem in cumulatione copiarum sanguinis in vasibus cerebri. *Jörg* censet originem

24) }
25) }
26) } *Velpau*, traité complet de l'art des accouchemens. pag. 333.
27) }
28) }
29) }
30) }
31) }

32) } *Busch u. Moser*, Handbuch der Geburtshunde. pag. 99.
33) }
34) }
35) }
36) }

37) } *Meissner*, Forschungen des 19ten Jahrh. 1ster Theil, pag. 158.
38) }

morbi adhuc quidem ignotam esse, attamen certo colligi posse, omnes irritationes somaticas et psychicas, quae congestiones in cerebrum provocent et sustineant, caussas hujus morbi habendas esse; his autem adnumerandam esse auctam sensibilitatem systematis nervorum et sanguinem, qui plus habeat chyli, minus oxygenii, itaque spissior et ad congestiones proclivior sit. *Burns* originem Eclampsiae in utero irritato, saepe autem in neglecto statu tubi intestinalis quaerit. *Chaussier* imprimis ventriculum irritatum caussam morbi habet. *Betschler* Eclampsiam morbum nervosum appellat, non vero merum, quum non nervorum, sed sanguinis sistema primarie morbo corruptum sit; summum autem malum consistere in aucta venositate, quae jam ante convulsiones exortas se evolverit, et ob variam vim in organa sustentanda magis organica habenda sit. *Tiling* caussam Eclampsiae in eo ponit, quod uterus a normali actione impediatur. *Velpeau* menstruationem per graviditatem oppressam, qua uterus, admodum irritatus, in totum organismum aut in systema nervorum reagat, caussam Eclampsiae appellat.

Sententias de Eclampsia modo laudatas, quibus auctores se naturam morbi explicasse putant, nihil ad veram morbi naturam cognoscendam adjuvare, quum tantum caussas accidentales afferant, cuivis perspicuum erit.

Sed confiteri debemus, nos quoque, quod attinet ad naturam Eclampsiae, in iisdem angustiis versari, atque omnes viros doctos, qui hunc rem tractaverunt, et cum *Hamilton*, *Busch* et aliis tantum id dicere possumus, Eclampsiam, quum in proprietate sua solum per graviditatem, per partum et per puerperium reperiatur, necessario positam esse in permutationibus, quae hoc tempore in organismo muliebri locum habent; qua natura autem hae permutations sint, in quo systemate sedem habeant, utrum vis, quam graviditas in organismum exerceat, anomalis sit, an organismus ipse in tali statu versetur, ut vim graviditatis ferre non possit, his de rebus dijudicare non possumus. Permutationes autem, quae adhuc nondum observatae sint, necessario pro-

cedere, jure ac merito ex eo colligimus, quod sub iisdem conditionibus externis in uno casu oritur Eclampsia, in alio autem graviditas aut partus normalem decursum habet. *Kiwißch*³⁹⁾ caussam plurimorum per graviditatem morborum esse dicit conditionem sanguinis seroso-fibrinosam, chloroticis similem; sed hanc solam in caassis accidentalibus, quas infra referemus, etiam Eclampsiam provocare posse, nobis quidem parum verisimile videtur. *J. C. W. Lever*⁴⁰⁾ inter decem feminas, quas Eclampsia correptas observavit, apud novem urinam albuminosam reperit; itaque censet Eclampsiam e morbo renum Brightii profectam esse. Pressione uteri in venas, sanguinem quominus e renibus refluat impediri, et ut semper, ubi tumoribus in abdome etc. circulatio sanguinis in renibus turbetur, sic hoc in casu urinam albumen continere; hanc urinam albuminosam non semper cum apparitionibus oedematosis conjunctam esse. Sed objiciendum est, sectionibus usque ad hoc tempus institutis, nunquam mutationem in renibus repertam, praeterea urinam in aliis quoque morbis albuminosam esse.

Quum vera hujus morbi natura tam ignota sit, eo magis cordi nobis erit ea momenta indagare, quae aut inter se conjuncta, aut singula sub illis conditionibus, nobis adhuc obscuris, Eclampsiam provocent.

Caussae praedisponentes. Quamquam alii (*Desormeaux*⁴⁰), *Wigand*) nullam constitutionem ab hoc morbo liberam esse contenderunt, alii tamen feminas magis tenera formatione cum aucta sensibilitate, ad hysteriam proclives atque educatione et vitae ratione nervis aegras morbo subjectas esse censuerunt (*Siebold*, *Denman*)⁴¹⁾, alii denique (*Chaussier*)

39) Beiträge zur Gburtknde. Würzburg 1848. 2te Abthlg. pag. 68 und 69.

*) Neue Zeitschrift für Geburtkunde, herausgegeben von *Busch*, *d'Outrepont*, *Ritgen*, *Siebold*. Band 16. pag. 252.

40) *Busch* und *Moser*, Handbuch der Geburtshilfe in alph. Ordng. pag. 90.

41) *Dewees*, die Krankheiten des Weibes. pag. 248.

constitutionibus sanguinicis, irritabilioribus primas partes dede-
runt; pleraque tamen observationes in eo consentiunt, pree-
cipue mulieres robustas, plethoricas huic morbo subjectas esse
(*Deweess*, *Burns*, *Meissner*, *Jörg*, *Hamilton* et complures alii);
nostrae observationes hanc sententiam affirmant. Tum plerumque
primipartientes Eclampsia corripiuntur (*Velpeau*, *Denman*,
Hamilton), non vero exclusis aliis parturientibus. Secundum
*Tiling*⁴²⁾ imprimis primipartientes robustae et jam provecti-
oris aetatis ad hunc morbum proclives sunt.

Secundum *Merriman* inter 48 fem. Ecl. corrept. primipart. fuere 36

"	<i>Collins</i>	30	"	"	"	"	29
"	<i>Champion</i>	10	"	"	"	"	10
In casibus a nobis observat.	4	"	"	"	"	"	5

Saepe Eclampsia in partu geminorum apparere videtur (*Hamilton*, *Merriman*). Oedema diffusum quod *Burns*, *Velpeau*, *Osiander* et alii observarunt, animadvertisendum est. Quod attinet ad vim epidemicam, jam *Smellie*⁴³⁾ enunciavit Eclampsiam permutationibus quibusdam atmosphaericis subjectam esse, et casus, quos observavit domin. *Lachapelle*, clare ostendunt eam uno tempore frequentiorem esse, quam alio; *Denman*⁴⁴⁾ quoque se certis anni temporibus eam saepius observasse dicit. *Ramsbotham* Eclampsiam calida tempestate frequentiorem esse quam frigida animadvertisit, praesertim si aëris electrica sit imbutus; *Andral* ejusdem sententiae est; *Deweess* fieri posse concedit, ut Eclampsia epidemice appareat. Quod *Carus* observavit, Eclampsiam haereditate tradi, a nullo alio auctore confirmatur. Praeterea vitia organica cerebri et organorum pectoris (*Busch*), uteri, exempli gratia callositas colli uteri (*Tiling*), permagna sensibilitas systematis sexualis (*Kiwich*) caussis praedisponen-

tibus adnumeranda sunt. Situs vitiosus foetus Eclampsiam non praedisponit (*Collins*⁴⁵), *Lee*⁴⁶), *Johnson*)⁴⁷).

Caussae accidentales. In tali rerum conditione omnino Eclampsiam excitare possunt momenta, quae aut insolitam sanguinis congestionem ad partes centrales systematis nervorum efficiunt, aut magnam irritationem nervorum periphericorum, praesertim uteri et tubi intestinalis provocant. Ad haec referenda sunt inter graviditatem nimia extensio uteri per geminos aut permagna copia liquoris amnii, usus ciborum et potuum fervidorum, permutatio vitae laboriosae et agilis sub aëre libero cum vita otiosa in victu copioso et fermo, cruditas, habitatio in locis humidis, corrupto aëre impletis, quamobrem secundum *Deweess* et *Kiwich* Eclampsia imprimis inter pauperes reperitur, motus nimis vehemens, irritatio phantasiae incestis cogitationibus, excitatio partium sexualium nimis frequenti coitu, variis status animi: aegritudo, pudor, metus, gaudium; vestes astrictae etc. etc.

Jam dolores normales in partu vehementem sanguinis conges-
tionem ad caput provocant; multo autem magis hoc fit, si
dolores vehementer concutiuntur, praesertim si normalis actio
partus impeditur abnormi structura uteri, rigiditate, callositate
colli uteri, atresia oris uteri, irritatione tubi intestinalis, noxiis
ingestis, remediis purgantibus, accumulatione excrementorum,
irritatione vesicae urinariae per pressionem uteri in ejus collum,
retentione urinae, ex hac pressione profecta, irritatione vesicae
calculis etc. Irritatio uteri nostra sententia maxime animad-
vertenda est, quum etiam extra graviditatem morbos status
uteri saepe cum irritatione et convulsionibus conjuicti sint;
eodem modo res se habet, si tubus intestinalis irritatur.

42) *Carl Chr. Schmidt*, Jahrbücher etc. Bd. 13. pag. 185.

43) *Busch* und *Moser*, Handbuch der Geburtshütung in alph. Ordng.
pag. 92.

43) *Deweess*, die Krankheiten des Weibes. pag. 247.

45 } *Neue Zeitschrift für Geburtshütung von Busch, d'Outrepont,*

46 } *Ritgen, Siebold*. Bd. 16. pag. 241.

47 }

Post partum Eclampsia sine dubio cum convulsionibus, ex debilitate et haemorrhagia profectis, confusa est, quum hae praesertim hoc tempore appareant. Eclampsia, quae hoc tempore observatur, saepe tantum continuatio est Eclampsiae in partu jam inceptae; sed potest quoque nunc primum oriri ex irritatione uteri placenta retenta, velamentorum partibus aut sanguinis coagulis relictis, vehementibus contractionibus (*Kiwich*) irritatione tubi intestinalis (Marshall-Hall⁴⁸); si diutius post partum appetet, profecto cum lactis secretione nunc se evolventi, cum lochiis suppressis et aliis morbis puerperalibus cohaeret.

Plerumque initium Eclampsiae in communi vi complurium caussarum, quas supra retulimus, positum est; sin semel adest, tantum una ex iis opus est, ut convulsiones a remissione impedianter; sic multitudo momentorum excitantium partu finito evanescit, Eclampsia autem nondum illico desinit.

Prognosis.

Omnis scriptores inter se consentiunt, Eclampsiam summum periculum quum matri tum infanti afferre. Jacobs omnes feminas Eclampsia correptas mori, et rarissimo casum prosperum occurtere dicit; ejusdem sententiae Boér⁴⁹) videtur esse, quum venaesectionem et alia remedia rejiciat, nec ab ullo salutem exspectet; Plenk cum iis consentit. Parr⁵⁰) ex 10 aegrotis 6—7 in fortissimo auxilio morbi occumbere docet. Hunter⁵¹) et Lowder⁵²) lectionibus suis extra dubitationem ponunt plus quam dimidiam partem feminarum mori, quae inter partum convulsionibus erant correptae; ejusdem sententiae Busch est; et profecto non possumus non consentire cum iis, si tabellas hac de re compositas comparamus.

48) Beobachtungen und Vorschläge aus dem Gebiete der praktischen Medicin. pag. 159.

49) Gemeinsame deutsche Zeitschrift f. Geburtshütung. Bd. II. p. 568.

50) Blundell, Vorlesungen über Geburtshilfe. pag. 270.

51) Wigand, *Ueber die Eclampsie*. pag. 270.

52) Wigand, *Ueber die Eclampsie*. pag. 270.

<i>Mauriceau ex 45 feminis Eclampsia correptis amisit morte 21</i>						
<i>Merriman</i>	48	"	"	"	"	"
<i>D. Lachapelle</i>	23	"	"	"	"	"
<i>Champion</i>	10	"	"	"	"	"
<i>Plenk</i>	12	"	"	"	"	"
<i>Desjardins</i>	7	"	"	"	"	"
<i>Velpeau</i>	21	"	"	"	"	"
<i>Hamilton</i>	12	"	"	"	"	"
<i>Churchill</i>	152	"	"	"	"	"
<i>In nosocom. obst.</i>						
<i>Vindobon.</i>	43	"	"	"	"	"
<i>Walter Pr. Drp.</i>	5	"	"	"	"	"
<hr/>						
	<i>ex 378</i>	"	"	"	"	"
						130.

Prognosis accuratior ab ea re pendet, utrum Eclampsia jam inter graviditatem, an inter partum, an post eum apparuerit; utrum femina primum pepererit, necne; quomodo valetudo ejus ante morbum exortum fuerit; quomodo uterus in convulsionibus universalibus se habuerit; praesertim autem, quomodo singuli paroxysmi inter se et quoad intervalla se habuerint. Sine dubio autem magis quam in plerisque aliis morbis a medico pendet, utrum fortis intercedat, an magis desidiosus observet. Plus spei subest, si convulsiones posteriori partus periodo erumpunt ita ut partus celeriter et sine magno labore auxilio artis finiri possit; sic quoque, si periodo priori partus infantis non soli naturae nimis diu committitur, porro si convulsiones post partum apparent; denique si aegrota non nimis plethorica et a gravioribus vitiis organorum libera est, si graviditas non est prima, uterus actionem normalem conservat, si impetus rariores et minus vehementes sunt, ac si femina in intervallis mentis suae compos sit. Minus prospira prognosis est, si primipartuentes jam provectionis aetatis Eclampsia corripiuntur, si aegrotae admodum plethoricae aut corpora vitiis organicis, praesertim cerebri et pectoris (*Wigand*) imbutae sunt, si Eclampsia prioribus partus periodis aut graviditatis tempore appetet et si

medicus naturae succurrere diutius cessat, si porro paroxysmi brevioribus intervallis separantur; aegrotae e sopore omnino non exergiscuntur; si respiratio stertorosa fit (*Hamilton*); si gravia impedimenta partus, ut spasmus et rigiditas oris uteri adsunt; si denique (secundum *Kiwich* apparitiones pessimae), continua repetitio convulsionum se conjungit cum pulsu deminuto et facie pallida ac frigida.

Secundum plerasque observationes prognosis infanti etiam multo pejor est; sic *Busch* ex 47 infantibus unum tantum vidit servatum, et secundum *Haussmann*⁵³⁾ omnes fere infantes mortui in lucem editi sunt. Sed praeter has observationes faustiores quoque habemus; sic *Merriman* ex 38 infantibus tantum 25 mortuos esse refert. Omnia hoc in re monendum est, Eclampsiam saepe ad abortus accedere et foetus nouum maturos facilius periculo succumbere. Majoris autem momenti in prognosi infantis quam matris est, quo tempore Eclampsia appauerit, et *Meissner* dicit, tantum ubi partus cito finiri possit, infantes vivos in lucem edi; si autem paroxysmi diutius durant aut saepius reversi sint, infantes plerumque omnes morti succumbere. *Wigand*, quod attinet ad prognosin infantium, convulsiones parturientium eo majus periculum foetui afferre docet, quo minus hic libertate quadam aut separatione uteri ab impetu aliarum spherarum tutus sit et quo saepius et fortius sistema nervorum in uterus reagat atque ibi tetanum aut similes apparitiones provoget.

Prognosis minus infausta videtur, quod attinet ad morbos Eclampsia provocatos, quum etiam vehementes perturbationes, ut paralyses, mania etc. in plerisque casibus evanuerint.

Cura.

Gravitate rei factum est, ut nihil ad curandam Eclampsiam omissum sit, itaque viri docti varias vias ingressi sunt; prout

igitur alii hunc morbum in systemate nervorum situm habuerunt, remedia antispasmodica, nervina adhibere suadebant, alii, praecipue sistema sanguinis accusantes, in evacuatione sanguinis salutem quaerebant; alii denique, solam uteri irritationem spectantes, ex accelerato partu sanitatem exspectabant. In quavis harum rationum medici rursus varias vias ingressi sunt; sed singulas earum hoc loco enumerare easque in utramque partem considerare, nos longius a re ipsa traheret itaque primum eam potissimum curandi rationem afferemus, quae et aliis et nobis ipsis efficacem se praebuit, tum et reliquas curandi rationes memorabimus, quibus medici, coacti necessitate, usi sunt.

Remedia quae semper prospero eventu adhibuimus sunt: venaesectio, praeceps superfusio capitis aqua frigida ex loco altiore, derivatio in partes a capite remotiores, acceleratio partus et, simulac aegrota potuit glutire, fortes purgations.

Venaesectio remedium est experimento tam spectatum, ut raro occurrant casus, ubi medicus dubitare possit, utrum adhibeat venaesectionem necne; jam primo aegrotae aspectu manus medici ipsa lanceolam arripiat, ut eam a periculo liberet. Jam priori tempore quisque medicus in Eclampsia curanda sanguinem emisit et quod *Mauriceau*⁵⁴⁾ suasit, ut in convulsionibus inter partum, nisi ex immodica haemorrhagia profectae sint, statim vena separetur, usque ad hunc diem paucis tantum casibus exceptis accurate observatum est. Quamquam nonnulli scriptores in certis Eclampsiae formis et in constitutionibus debilioribus venaesectionem nolunt adhibere; nos tamen eam non solum in feminis admodum plethoricis, sed etiam in debilibus, simulac saevis illis convulsionibus correptae sunt, illico instituendam esse censemus, quum casus a *Betschler*, *Haselberg*, *Deweese*, *Hamilton* observatos videmus, ubi his quoque feminis evacuatio sanguinis auxilium attulit; nec difficile videtur explicatu, quum convulsiones in universum, praecipue autem hoc genus earum,

53) *Carl Chr. Schmidt*. Jahrbücher. Bd. XXVIII. pag. 190.

54) *Traité des maladies des femmes grosses etc.* Tom. I. pag. 550.

circulationem sanguinis vehementer perturbent, et partes centrales accumulato sanguine urgeant, si autem jam antea congestio adfuit, id quod in feminis etiam maxime debilibus fieri potest, periculum convulsione augetur.

*Hamilton*⁵⁵⁾ se in prima venaesectione propriae constitutionis rationem prorsus nullam habere dicit; nam experientiam se docuisse, illam feminis tenerimis et admodum debilibus eandem utilitatem afferre quam robustis. Itaque eos quoque casus non semper a venaesectione excipimus, ubi apparitiones languoris, exempli gratia post partus graves ac diutinos, adsunt simulque autem Eclampsia ex irritatis nervis uteri et tubi intestinalis profecta est. Sive igitur convulsiones eclampticae magnis congestionibus ad partes centrales, sive abnormi irritatione nervorum peripherorum provocatae sunt, semper sanguinem emittemus, praesertim quum *Burns* et *Hamilton* doceant, venaesectione non solum sanguinem e partibus centralibus abduci, sed etiam os uteri relaxari et operationem forte efficiendam admodum adjuvari.

Nunc quaeritur quantum sanguinis emittendum sit, ut prosper eventus morbi exspectetur. Fere plerique medici inter se consentiunt in verbis: „magnam venaesectionem“ instituendam esse; sed quantum discrepant de quantitate sanguinis emitendi ex his patebit: *Merriman* et *Busch*, prout constitutio aegrotae sit, 8—10—20 ℥ sufficere dicunt, ut periculum amo-veatur, nisi forte venaesectiones minoris quantitatis repetendae sint. *Hamilton* contra prima venaesectione nunquam minus quam 50 ℥ emisit, et si status aegrotae hora praeterlapsa se in melius non verterat, eandem venaesectionem repetivit; affirmat ex permultis aegrotis quas tractaverit, tantum tres mortuas esse, id quod huic forti intercessioni attribuit. Copia sanguinis 20—30 ℥ emissa Eclampsiam vehementiorem nequaquam tolli censem. *Deweess* sanguinem mittit, donec vehementia impetuum

55) Praktische Bemerkungen über verschiedene geburtshilfliche Ge-genstände. pag 188.

remiserit aut repetitio eorum impedita sit; putat minus quam 24—30 ℥ raro sufficere et amplius quam 70—100 ℥ raro postulari. Aliquando per septem horas 120 ℥, omnino autem ex eadem aegrota 140 ℥ sanguinis misit. *Blundell* dicit interdum 20—70 ℥ sanguinis feminis modica plethora et solita constitutione per 5—6 horas detractas esse; se ipsum per duas aut tres horas 70 ℥ sanguinis detraxisse, nec ulla vestigia sanguinis defectus apparnisse. *Burns*⁵⁶⁾, qui Eclampsiam ducit ex irritatione nervorum sexualium, itaque eam parem habet formae epilepticae Eclampsiae secundum *Kiwiisch*, qui in hoc casu venaesectionem tantum in feminis plethoricis admittit, magis periculi adesse dicit, si parum quam si nimium sanguinis detrahatur; usque ad 80 ℥ prospéro eventu missas esse. Nostra sententia de copia sanguinis detrahendi est, si morbus cum congestionibus, tantum aliquo modo vehementibus, apparet, aut subito aut quam brevissimo tempore saltem 20 ℥ sanguinis mitendas esse, si sopor non interrupitur, venaesectionem 3xii repetendam esse, quae copia, si res postulat, iterum detrahenda est; uno tantum in casu coacti sumus hanc copiam sanguinis 20 ℥ detrahere. Parvae venaesectiones, etsi saepius repetuntur, nostra quidem sententia raro tam efficaces possunt esse: sic *de la Motte*⁵⁷⁾ per quinque extremos graviditatis menses coactus est, ut 86ies venam searet, nec tamen Eclampsia, si omnino Eclampsia fuit, admodum deminuta est.

Nos quidem si non coacti sumus tantam copiam sanguinis, quantum *Hamilton* et *Deweess*, detrahere, hoc partim proprietati gentis, multo magis autem remediis eodem tempore cum venaesectione aut paulo post eam adhibitis attribuimus; itaque persuasum habemus, ubi remedia illa adhiberi non possint, tantum ex magna venaesectione prosperum morbi eventum exspectandum esse.

56) Handbuch der Geburtshilfe etc. pag. 498.

57) Handbuch der Geburtshilfe etc. pag. 498.

Variae sunt sententiae de quaestione quodnam vas aperiendum sit. *Baudelocque* et *Dewees* e vena jugulari, primus quoque e vena saphena, *Denman* ex arteria temporali sanguinem mittere voluerunt. Nos tamen censemus, utilissimum esse venam brachii (media nam) aperire, quum, si res postulat, ex ambobus brachiis eodem tempore et quam celerrime necessariam sanguinis copiam mittere et vulnus obligare commode possimus, id quod in vehementibus convulsionibus maxime animadvertisendum est. Vena jugularis tum tantum aperiatur, si in magno oedemate brachiorum venae difficiles sunt repertu; semper tamen compressio venae jugularis res periculosa est, quum ea sanguinis a capite refluxus impediatur; praeterea feminarum inquies detractionem sanguinis ex hoc vase admodum turbaret.

Tempus, quo venaesectione instituenda sit, dubium esse non potest; quum primum aegrota adspicitur, statim lanceola arripiatur, nec proximus impetus exspectetur, qui aegrotae exsudatione in cranium facile mortem afferre posset. Quo prius et quo breviore tempore necessaria sanguinis copia detrahitur, eo prospereorem eventum sperare licet.

Evacuationes sanguinis topicae solae ad Eclampsiam amovendam rarissimo, et fortasse in feminis tenerrimis, valde debilitatis sufficient, quae magnam sanguinis copiam ex utero jam emiserunt et tamen cerebrum irritatum habent (*Marshall-Hall*⁵⁸⁾). Saepissime evacuationes topicae adhibitae sunt ad universales adjuvandas (*Wigand*, *Chaussier*, *Dubois*, *Meissner* et multi alii), et quidem auxilio cucurbitarum et hirudinum in cervice, processibus mastoideis, in epigastrio, in regione hepatis, in spina dorsali. Nos quidem censemus etiam tum singularem effectum ab iis non exspectandum esse, jam propterea quod in magna inquietudine aegrotarum aut magna tantum difficultate, aut in singulis casibus omnino non adhiberi possunt; itaque

58) Beobachtungen und Vorschläge aus dem Gebiete der praktischen Medicin. pag. 161.

evacuationes sanguinis topicae praecipue utilitatem afferunt, ubi, Eclampsia jam amota, affectiones cerebri relictæ sunt.

Praeter evacuationes sanguinis superfusiones capitales aqua frigida congestionibus opponimus, et persuasum habemus eas maximam utilitatem afferre et evacuationes illas copiosas supervacaneas reddere. Historia morbi, a Prof. *Walter*⁵⁹⁾ jam communicata, ostendit, venaesectione praegressa superfusiones frigidas, in prima apparitione paroxysmi repetitas, paroxysmum ipsum semper avertisse. Nos ad hunc finem, postquam aegrotam ita in lecto collocavimus, ut superior pars corporis super marginem lecti emineret, labro supposito, corpore autem velamentis ab irrigatione munito, aquam frigidam radio duorum digitorum diametro ex altitudine unius aut duorum pedum magna vi capiti superinfudimus, id quod longioribus aut brevioribus intervallis per aliquot minutis repetivimus, atque ubi necessarium videbatur, capillos detondimus.

Jam prius frigus capiti adhibitum est, sed plerumque tantum forma cataplasmatum frigidorum, ita ut aqua, nix, glacies capiti imponerentur (*Merriman*, *Carus*, *Jörg*, *Burns*, *Haussman*, *Mayer*, *Tiling* et alii); nobis autem vis frigoris, tali modo adhibiti, nimis exigua videtur et hanc ob caussam eam superfusionibus frigidis postponimus. *Denman*, qui et ipse superfusiones frigidas adhibuit, magnam vim iis attribuit, sic quoque *Blundell*, qui saepe casus observavit, ubi summam utilitatem attulerunt, id quod ab aliis scriptoribus affirmatur. *Busch* superfusiones praecipue in statu torporis et animi defectus saluberrimas habet. *Lettstroem* superfusionibus frigidis saepe repetitis sanitatem aegrotis restituit. *Denman*⁶⁰⁾ commendat, et quidem imprimis in quovis convulsionum impetu, faciem aegrotae aqua frigida

59) Neue Zeitschrift für Geburtshütung von *Busch*, d'Outrepont, *Ritgen*, *Siebold*. Bd. XVI. pag. 294.

60) *Marshall-Hall*, über die Krankheiten u. Störungen des Nervensystems; ins Deutsche übertragen von *Fr. J. Behrend*. Leipzig 1842. pag. 372.

crebro conspergere. Atque ea saepe impetum se avertisse affirmat.

Cum superfusionibus conjunximus derivationes in remotiores a capite partes: sinapismos in suris et brachiis, involutiones crurum velamentis, aqua calida madefactis. Similes derivationes a plerisque medicis adhibitae sunt, in quem finem alias radice armoraciae, alias sinapismis, alias denique emplastris cantharidum usus, haec incitamenta variis partibus corporis applicuerant, cruribus, plantis pedum, hypogastrio, epigastrio, brachiis, dorso, cervici, vertici (*Siebold*). *Haselberg* mallum aquae fervidae immersum cervici imposuit. *Regnault* Eclampsiam inter gravitatem amovit, vesicatorium abdomini imponens. *Hamilton* casum memorat, ubi, quum venaesectio vehementi oedemate impedita fuerit, fere totum corpus aegrotae emplastris cantharidum involverit; initio quidem impetus frequentiores fuisse; quum vero liquor serosus e vesicis, emplastro excitatis, effluisset, impetus desissee et partum via normali finitum esse. In universum autem empl. cantharid. nobis nimis tarde vim suam exercere et melius postea, remedium derivans, ut morbi post Eclampsiam exorti amoveantur, adhibendum videtur esse.

Quum primum aegrota glutire potest, adhibemus aliquot magnas doses hydrarg muriat. mit. cum rad. Jalapp., gr. x c. 3j, partim ut tubum intestinalē faecibus evacuemus, partim ut derivationem in eum efficiamus. Utile esset cum his remediosis clysmata solventia conjungere, ut tubus intestinalis eo citius evacuetur, ratio, quae praecipue in perturbationibus cerebri animadvertenda est. Si tali modo ad finem nostrum pervenimus, clysmata irritantia applicentur. Quod attinet ad evacuationem tubi intestinalis, plerique medici eam necessariam habent; at in hunc finem variis remidiis usi sunt, sic fol. sennae cum magnes. sulphuric., rad. rhei, ol. ricini, saepissime autem hydrarg. muriat. mit. (*Hamilton*, *Merriman*, *Burns*, *Dubois*, *Busch* et alii). Cum clysmatis solventibus saepe remedia antispasmodica aut antiphlogistica conjunguntur, aut haec et illa alternatim appli-

cantur. *Dubois* clyisma posuit e muriate sodae; *Busch* ex infus. rad. valerian., asa foetida, opio; *Siebold* ex infus. flor. chamomill. aut rad. valerian. cum liq. ammonii succinici, opio, asa foetida. De utilitate quam afferunt clysmata antispasmodica, quum eandem habeant vim, ac si remedia ore excipiuntur, postea pauca dicemus. Alia ratio tubi alimentarii evacuandi fit per vomitoria, per tart. stibiat., rad. ipecacuanh.; hanc viam viri docti ingressi sunt, quum observaverint, Eclampsia vomitione spontanea finem assecutam esse. (*Merriman*, *Bard*⁶¹)). Sed jam *Mauriceau* vomitoria in hoc morbo adhibita vehementer dissuasit, et nos censemus in rarissimis tantum casibus, ut si graves gastricae apparitiones adsunt aut si aegrota paulo ante impetum largiter coenata est, tubum alimentarium hac via evanquandum esse, quum vomitoria non tantum congestiones admodum augeant, sed etiam ventriculum, praesertim si quo modo affectus est, facile ita irritari possint, ut morbi periculosi provocentur.

Quamquam in cura adhuc tractata Eclampsia, quae per graviditatem et per partum orta est, interdum cedit, ac quum gravitas tum partus normali decursu progrediuntur, in plerisque tamen casibus convulsiones non desinunt; oritur igitur quaestio, sitne alia via salutis feminae et infanti et quae illa sit. Ut huic quaestioni respondeamus, in memoriam revocemus, quae jam supra diximus: gravissimas caussas Eclampsiae in ipsa graviditate et in partu positas esse; utero extenso sanguinis circulationem impediri ac pressione organa vicina irritari, tum quemque dolorem partus congestiones ad caput magis minusve augere, porro Eclampsiam, si per graviditatem orta est, plerumque partum provocare, sin inter partum appareat, hunc saepe tumultuose decurrere et uterum ad foetum expellendum interdum tam vehementer se contrahere, ut rupturae fiant labiorum oris uteri, denique in plerisque casibus convulsiones partu finito desinere,

61) *Merriman*, die regelwidrige Geburt u. ihre Behandlung. p. 143.

postremo autem, Eclampsia diutius permanente, sistema nervorum et omnes vires purtientis debilitari et quovis novo paroxysmo vitam infantis in periculum vocari. Quibus rebus consideratis respondere necesse est, periculum eo tantum, quod partus quam celerrime finitur, a matre et ab infante amoveri. Variae autem periodi partus et graviditas postulant agendi rationem variam, non aequa periculosam; ex quo nova oritur quaestio, possitne graviditas et quaque periodus partus ad salutem matris et infantis interrupi, et utrum majus periculum afferat, si arte intercedatur, aut si partus naturae committatur. Ad hanc rem accuratius dijudicandam singulas partus periodos, quibus diversa intercessio operativa postulatur, retro usque ad graviditatem percensemus, ut tali modo indicatas quoque operationes cognoscamus.

1. Finis secundae aut initium tertiae periodi partus. Si hoc tempore partus haeret aut graves congestiones ad caput provocat, nullus medicus profecto operationem longius differet, et jam antiquiores tunc forcipe obstetricio utebantur aut manum in uterum ad foetus versionem ingerebant, prout caput foetus jam profundius in pelvem descenderat aut mobile supra aperturam pelvis superiorem situm erat. *Baudelocque* usum forcipis, et si caput alte situm est, quam maxime suadet, quum irritatio uteri, hoc instrumento effecta, multo minor sit ea, quae manu utero ingesta provocetur. Etsi hoc concedendum est, tamen quod *Kiwich*⁶²⁾ suadet, ut partus primum per forcipem tentetur et, si res non processerit, ad versionem transeat, probandum non est, quum versio in tali rerum conditione rarissimo tantum fieri possit. Nec probabilius consilium *Mitchel* videtur, qui postulat ut, si forceps adhiberi non possit, perforatio versionis anteponatur; nam versio saepe prosperrimo eventu facta est. Nos autem censemus, non solum ubi hac periodo partus haeret, sed semper non expectata primum, ut *Baudelocque* postulat,

actione naturae, operatione intercedendum ac foetum per forcipem aut versionem subsequente extractione evolvendum esse; quam sententiam eo affirmari putamus, quod primum quovis partus dolore periculum ante non determinandum parturienti oriri potest, tum, quod circulatione inter paroxysmum turbata, vita infantis in magnum periculum vocatur; denique quod observationes in nosocomio obstetricio, a nobis factae, hanc agendi rationem commendant.

2. Partus inceptus, ore uteri aut omnino recluso aut paullum tantum aperto. In hoc casu agendi rationes admodum variae sunt. Jam *Mauriceau*⁶³⁾ partum remedium optimum ad convulsiones removendas esse dixit; interdum autem os uteri, si convulsiones apparent, non commode apertum esse et tum, donec os uteri, ut conveniat, aperiatur, nihil aliud nisi remedia solita: evacuationem sanguinis etc., adhibenda esse. Ejusdem sententiae *Denman* est, monens, ne partus jam prima periodo incipiatur, nisi facilis negotio effici possit. Cum eo *Blundell* consentit. *Baudelocque* suadet, partum artificalem non nimis accelerare, sed tantum cogente necessitate adhibere; sic quoque *Merriman*, *Dubois*. *Burns*⁶⁴⁾ dieit, se tantum consentire cum ijs, qui aperitionem oris uteri violentam rejiciunt, sed non minus cum ijs, qui, ut partus non adhibita vi quam celerrime efficiatur, suadent. Atii, partum acceleratum habentes necessarium, os uteri remediis adhibitis ad aperturam ducere suadent, ut tum partus aut natura finiatur, aut arte facilius adjuvetur. *Osiander* sen. ad hunc finem usus est unguento ex ȝj opii puri cum ȝj unguenti rosati, quod aut digito, aut spongia, aut oris uteri dilatatorio portioni vaginali aut ori uteri applicuit. *Chaussier*, ductus observationibus medicorum oculariorum, in huic finem adhibuit unguentum liquidum ex ȝj extr. Belladonnae, ȝj cerati simplicis, quod per

62) Traité des maladies des femmes grosses et de celles qui sont accouchées. Tom. I, pag. 335.

64) Handbuch der Geburtshilfe etc., pag. 550.

siphonem, in hunc finem factum, ori uteri applicuit. *Baudelocque* suadet, ut primum, si res postulat, velamenta ovi dispoliantur. Alii tamen partum artificialem quam celerrimum exigunt; sic *Osborn* nullum remedium cum spe prosperi eventus adhiberi dicit, antequam partus finitus sit; eum igitur quam maxime accelerandum esse. *Hamilton* monet, ut partus venaesectione facta quam celerrime finiatur: cuius rei necessitatem se adeo persuasam habere, ut potius perforationem, quam retardationem partus concederet. Itaque os uteri digitis aut dilatatorio aperitur (*Osiander* jun., *Tiling*, *Haselberg* et alii), aut labia oris uteri inciduntur (*Dubosc*, *Lauverjat*, *Coutouly*), aut remedia dolores partus excitantia adhibentur (*Warthouse*)⁶⁵⁾, aut denique perforatio et sectio caesarea efficitur.

Quod attinet ad nostram sententiam de via, quam medicus hac periodo ingrediatur, censemus primum omnia remedia, quae ad convulsiones amovendas suppetunt, adhibenda esse, et tum demum, si nullam utilitatem attulerint, vita autem matris et infantis convolutionibus continuo repetitis in periculum vocetur, ad violentam oris uteri apertione aggredi necesse esse, ea tantum conditione, ut genitalia exteriora tam evoluta sint, ut partus edi possit. Quo in casu autem, prout res postulat, primum ratio minus violenta adhibeatur, ita vero, ut non multum temporis perdatur; crescente tamen periculo partus artificialis, prout rerum conditio postulat, quam celerrime efficiatur. Sic in nonnullis casibus, ubi os uteri paulum tantum apertum, sed facile apertu videtur, uterus autem admodum extensus est, ita ut Eclampsia ex hoc profecta esse posset, infans vero aut capite aut natibus procumbit, primum velamenta ovi rumpantur et permutatio oris uteri aliquamdiu exspectetur, tum, si necesse est, os uteri digitis aut dilatatorio extendatur et infans per forcipem aut versionem et extractionem ex utero emoveatur. In aliis casibus autem os uteri, admodum tensum, convulsive contractum

est, aut margines oris uteri duri et callosi sunt. Tum si partus accelerandus est, ab extensione oris uteri per digitos aut dilatatorum nullum auxilium exspectare possumus, sed natura ipsa docet, quam viam ingrediamur; nam in talibus casibus saepe magnae rupture oris uteri occurunt. Itaque apertio cruenta oris uteri instituenda et partus ratione supra descripta finiendus est.

Remedia dolores excitantia (abortiva) ad accelerandum partum nobis prorsus rejicienda videntur, quum tantum periculum et matri et infanti afferre possint, partim, quod nonnulla ex iis organismum irritant et ita congestiones ad caput provocant, partim quod contractionibus vehementibus uteri, illis remediis effectis, congestiones augmentur, aut, si impedimenta non superanda obstant, ruptura aut paralysia uteri necessario adducitur.

Unguenta ex opio et belladonna non majorem utilitatem afferre nobis videntur, quum plurimum irritationem oris uteri diminuunt; si autem de eo agitur, ut partus quam celerrime finiatur, nimis lente vim suam exercent; per longius tempus vero propterea adhiberi non possunt, quod facile narcosin aut paralysin oris uteri efficerent.

Perforationem tantum ibi institueremus, ubi certa indicia mortis infantis adsunt, aut ubi caput infantis pelvi multo magis est.

Sectio caesarea nostra sententia tantum pelvi nimis angusta, quae nullam aliam operationem permittit, indicata est. Si respicimus Eclampsiam conjunctam cum sectione caesarea vir unquam a femina tolerari posse, non nisi in casu supra appellato et post mortem matris ad hanc operationem aggrediemur.

Quod pertinet ad viam, quam ingrediatur medicus, prout convulsiones aut ex vehementi congestione ad partes centrales, aut ex irritatione nervorum peripheriorum profectae sunt, adiiciendum est, curam in utroque casu fere eandem esse; in casu extremo fortasse non ita magna copia sanguinis emittenda est.

65) *Meissner*, Frauenzimerkrankheiten, pag. 371.

In irritatione nervorum periphericorum, quum quisque dolor novum paroxysmum provocet, partus eo magis accelerandus est. *Kiwich* casus refert, ubi sensibilitas oris uteri tanta fuerit, ut minima ejus tactione impetus excitatus sit, atque ore uteri modice dilatato contractiones spasmodicas, forcipe admoto, tam vehementes fuisse, ut operatio perfici non potuerit; etiam transsecto ore uteri in superioribus uteri partibus contractiones admodum molestas apparuisse. Ex ipsa re patet, in talibus casibus ab operatione desistendum et ad alia remedia minus certa recurrendum esse, ut ad calidas lavationes dimidii aut totius corporis, conjunctas cum superfusionibus capitis aqua frigida, ad circumflexionem labiorum oris uteri remedij narcoticis, et quidem secundum *Kiwich*, universali vasorum actione submissa, morphio gr. $\frac{1}{8}$ — $\frac{2}{4}$ per os et tinct. opii forma clysmatis. Nobis autem in tali rerum conditione omnia remedia inutilia videntur, et quum quisque dolor partus convulsiones provocet, femina autem impedito partus decursu certae morti objiciatur, ad majorem incisionem oris uteri aggredieremur, etsi convulsiones inter operationem augerentur.

Quod attinet ad partum inter graviditatem arte instituendum, respiciendum est, hac operatione amotionem contentorum uteri, nisi hic ad illa expellenda jam satis praeparata est, non tam brevi tempore perfici posse, quam periculum Eclampsiae postulat, et paroxysmos irritatione, inter operationem provocata, necessario augeri. Itaque in hoc casu quoque primum omnia reliqua remedia ad Eclampsiam amovendam diligenter adhibebimus, id quod eo minus negligendum est, quum interdum fortis intercessione Eclampsiam aversam et graviditatem in decursu usque ad normale tempus partus non amplius turbatam esse sciamus. Sin in omnibus adhibitis remediis impetus frequentiores fiunt, et graviditas a semina nequaquam tolerari posse videtur, tamen coacti sumus aggredi ad operationem supra memoratam, quasi ad ultimum remedium; quae operatio, quum secundum *Baudelocque* et alios, impetus interdum jam liquore amnii effuso

desierint, usque ad hoc tempus punctione velamentorum ovi instituta est. Nonne calida „Uterin-Douche“ quae appellatur, a *Kiwich* commendata, ad partum provocandum in hoc casu in loco esset?

Partu finito paroxysmi interdum continuantur aut nunc primum apparent; in aetiologya caussas hac periodo excitantes attulimus. Amoveantur igitur placenta retenta, residua velamenta et coagula sanguinis; tubus intestinalis diligenter evacuetur; ceterum cura eadem est, atque in graviditate et partu; adhibeantur igitur emissiones sanguinis, superfusiones capitis aqua frigida et caetera, ita tamen, ut secretiones puerperales, quae quovis modo adjuvandae sunt, semper respiciantur. *Harvie*⁶⁶⁾, qui et ipse observavit aegrotam, si lochia largiter effunduntur, plerumque post aliquot horas mentis suae compotem fieri, ad secretionem accelerandam fomenta in cruribus, cataplasma in pedibus et vesicam, panno laneo involutam et aqua calida impletam, in regione uteri imponere commendat.

Plerique morbi Eclampsiam secuti, ut paralyses, perturbationes animi, in permultis casibus emissionibus sanguinis saepius repetitis, derivationibus in cutem et tubum intestinalem amoti sunt.

Quamquam non necessarium est, ut femina, in priori graviditate aut partu Eclampsia correpta, in proxima quoque eodem malo afficiatur, tamen omne genus cautionis adhibendum est; sic quoque, ubi causae magis minusve praedisponeentes apparent. Ad hunc finem *Hamilton*, *Busch* et complures alii extremis graviditatis mensibus venaesectionem, alii ut *Johns* purgantia, diuretica, inter quae praesertim tintetur. digital. (*Hamilton*), tartar. stibiatum in dosi refracta (*Johns*) commendarunt. Majorem autem utilitatem, quam haec remedia, quae in nonnullis casibus, praesertim venaesectio in plethora aucta, in congestiis, vehementi capitis dolore etc., diuretica in oedemate,

66) *Merriman*, die regelwidrige Geburt und ihre Behandl. pag. 145.

sine dubio vim saluberrimam exercent, continentia in victu cultu-
que et diaeta, variis constitutionibus respondens, profecto
afferent.

Adjiciamus denique curandum esse ut aegrotis, ne laedantur,
positio commoda detur; ne motus convulsivi violenter impedian-
tur, ut lingua a vulneratione servetur, lignum linteo involutum
dentibus maxillaribus inseratur, ita tamen ut maxilla inferior
non luxetur. Omnia vestimenta et ligamenta astricta solvantur
et exploratio obstetricia interna saepe instituatur, quem partus
interdum repentinum decursum habeat.

Multa alia remedia quasi saluberrima, aut conjuncta cum
illis, quae jam retulimus, aut post illa adhibita, a pluribus aucto-
ribus commendantur; quum vero apparitiones Eclampsiae immi-
nentes magis augeant, fere omnia prorsus rejicienda sunt; non
autem negabimus, amotis omnibus apparitionibus congestivis,
pacato systemate vasorum et relictâ tantum abnormi sensibilitate
systematis nervorum aut symptomatis adynamicis, ex diutino
partu aut cura exortis, hoc aut illud remediorum infra referen-
dorum vim prosperam exercuisse; attamen in illis semper
summa cautio adhibenda est.

Lavationes totius corporis calidae et frigidae, illae aut non
mixtae, aut adjectis herbis aromaticis, kali caustico, herb. nico-
tian. (*Capuron, Merriman, Denman, Busch, Wigand, Hauff*);
hae inter paroxysmos (*Currie*) ut remedium praeservativum
(*Denman, Lovati*) institutae sunt. Lavationes totius corporis
praeterea quod propter magnas difficultates tantum rarissimo
effici possunt, et quod apparitio paroxysmi in balneo semper
admodum molesta est, quia aegrota facile laeditur, nobis jam
propterea contraindicatae videntur, quod congestiones ad caput
provocant, praesertim si aegrotæ plethoricae aut non liberae
sunt a gravioribus vitiis organicis; magna igitur cautio adhibenda
est, et tantum actione systematis vasorum omnino submissa, in
feminis magna sensibilitate quum omnino nervorum tum pre-
cipue nervorum sexualium, lavationes illae, semper autem cum

superfusionibus capitis aqua frigida conjunctae, admitti possunt.
Eodem modo vi aquae frigidae prima periodo, telis contractilibus
et vasibus periphericis contractis, congestiones ad partes
centrales et cum iis novi impetus Eclampsiae provocantur;
quamobrem et frigidae lavationes raro tantum instituendae sunt.
Calidae lavationes dimidii corporis (*Capuron*), injectiones in
vaginam calidae et emollientes, fomenta in abdomine sub iisdem
conditionibus atque lavationes calidae adhibeantur; sine dubio
autem tantum minoris momenti erunt.

E remediis antiphlogisticis *Busch* et *Betschler* kali nitri-
cum, *Coory Kennedy* et *Collins* tartar. stibiatum cum tinct. opii,
sanguine prius emisso, adhibuerunt; kali nitricum etsi non ma-
gnam utilitatem affert, non tamen nocebit, tartarum stibiatum,
quum vomitum facile excitet, jam supra rejecimus. Ut *Kiwisch*
tartar. stibiat., sic *Siebold* radic. ipecacuanh. in dosi refracta
remedia antispasmodica, sudorifera commendat; sed quis nobis
spondet ea tantum nauseam, non vero vomitum excitatura esse?

E remediis narcoticis et antispasmodicis multa adhibita
et laudata sunt, imprimis:

Opium forma unguenti, clysmatis, per os aut solum aut
conunctum cum hydrarg. muriat. mit. (*Osiander sen., Wigand,*
Tiling, Bland, Busch, Stoll et alii). Quamvis hoc remedium
antispasmodicum egregium in meritis neurosibus praedicamus,
eodem tamen gradu in hoc morbo multis ex caussis dissuade-
mus; primum quia actionem partus submittit, tum quia alvum
astrigit, id quod, ut jam memoravimus, summopere vitandum
est; denique quia tam facile irritationem cerebri provocat.
Quibus ex caussis *Velpeau* et *Kiwisch*, si remedia hujus generis
indicata sunt, morphium anteponunt. Opium contra a multis
medicis doctis severe vetatur: sic a *Merriman, Deweese, Jörg*;
Burns dicit opium impetum raro opprimere, nisi morbum in
apoplexiā mortiferam verterit, et *Hamilton* contendit se nun-
quam sanatam vidisse aegrotam, cui initio morbi opium datum
sit. Eodem modo extract. hyoscyami et extract. belladonnae

rejicimus, quum propter incertum effectum (*Velpeau, Busch*), tum quia congestiones ad caput atque interdum paralyses uteri provocant (*Dubois*). Pariter res se habet quoad herb. digital. et herb. strammon.; non tamen afficiunt uterum; herb. digital. potius in oedemate remedium praeservativum adhibenda est. — Acid. hydrocyanic. a *Bluff* et praesertim a *Meissner* et *Strahsen* commendatum est. *Strahsen*, quum Eclampsia sanguine emissio, glacie capiti imposita et partu finito perduraret, 25 guttas acidi hydrocyanici per clysmata aegrotae applicuit et praeterea quinta aut octava quaque minuta 5 guttas per os dedit; aegrota in somnum salutarem incidit, et convulsiones desierunt. Magis etiam *Meissner* kali hydrocyanicum commendat. Nonne autem quum effectus acidi hydrocyanici tam incerti sint, eo major cautio adhibenda est? nam post doses solitas jam graves intoxicationes observatae sunt.

Camphora, praemissis sanguinis evacuationibus et purgantibus, maxime a *Hamilton* adhibita est. *Busch* jure eam vitat, si systema sanguinis aut irritatum est aut facile irritari potest; admittit eam autem, si tantum sensibilitas nervorum adest et in hoc casu opium aut hydrarg. muriat. mite adjicit, ut per hoc extremum simul in tubum intestinalem derivet. *Burns* se prosperum eventum per camphoram adductum non vidisse dicit, et eam tantum adhibet, non confidens viribus ejus medendi, si convulsiones post partum quoque continuantur. Non dubitabimus quin *Hamilton*, quum in plerisque casibus, 100 ʒ sanguinis primum emissis, aegrotam in adynamiam transtulerit, prosperum eventum camphora effectum viderit.

Sub paribus conditionibus moschus et castoreum adhibenda sunt. Ex hoc genere remediorum multa alia praebita sunt, sic rad. valerian., rad. serpentar., liq. ammon. succiu., naphthae, olea aetherea, praecipue ol. animal. aether. Fieri potuit ut hoc aut illud horum remediorum pro rerum conditionibus prosperum eventum habuerit, in universum usum tamen nullum eorum venit; interdum etiam convulsiones ex inanitione aut hystericae

huc relatae sunt, quae naphthis aut radici valerianae et asae foetidae immerito illam laudem paraverunt.

Relationes morbi.

II.

Maria Uik, rustica Estonica, 35 annos nata, statura humili, collo brevi, colore subflavo, valida et normali corporis structura, die 16 mensis Aprilis anni 1847 in nosocomio obstetricio excepta est. Octavum gravida fuit; priores partus sine labore edidit, et tunc initio noni mensis graviditatis se esse dixit. Dum in nosocomio fuit, semper bene se habuit. Nocte a septimo ad octavum diem Maji mensis de capitis dolore conquesa est, sed mane hora 4½ surrexit et nonnulla negotia gessit. Hora 5, in lecto sedens, retro collapsa et convulsione correpta est, quae omnia signa Eclampsiae, conjunctae cum congestione ad caput, habuit. Statim venaesectio 18 ʒ instituta et glacies capiti imposta est. Quum mentis suae compos non facta et post decem minutis novo impetu correpta esset, venaesectio 8 ʒ adhibita est, et quum post dimidiam horae partem tertius impetus intrasset, eadem copia sanguinis emissa et repentinae superfusiones capititis tonsi institutae, praeterea autem sinapismi brachis et suris appliciti sunt. Exploratione obstetricia interna statim post secundum impetum instituta, os uteri omnino aperatum et portio vaginalis complures lineas longa fuit, ac femina nequaquam dolores ostendit. Superfusionibus illis institutis, mentis compos facta non est, etsi illae tantam vim habuerunt, ut mulier, quae immobilis prostrata erat, vehementer se moveret ac se liberare conaretur. Paullatim dolores intrare videbantur, nam mulier aliquoties manum vehementer abdomini admovit, simulque quieta facta est. Exploratione interna facta, os uteri paulum aperatum visum est. Hora 9, velamentis ovi ruptis, dolores frequentiores facti os uteri permutarunt. Quum impetus convulsionum incertis intervallis bis intra horam appa-

rerent, mulier autem admodum debilitata esset, optandum videbatur ut partus quam primum finiretur. Hora $10\frac{3}{4}$ os uteri, quamquam caput foetus alte in pelvi situm erat, tam dilatatum, ut forceps adhiberi posset. Feminae positio necessaria data est; forcipe admoto, caput quinque tractibus fortibus emotum, reliquum corpus mox secutum est. Infans, puer robustus, plane evolutus, asphyxia oppressus fuit; cordis ictus admodum debilis fuit. In omni adhibita opera infans in vitam revocari non potuit. Ex utero magna sanguinis copia emissâ est. Hora $11\frac{1}{2}$ placenta amota, quum uterus nondum plane contractus esset, haemorrhagia exigua intravit, quae per complures horas se repetebat, simulac uteri fundus fricatus est. Post partum quoque femina aliquamdiu mentis non compos fuit et duobus convulsionum impetibus affecta est. Omnino duodecim impetus perpessa est. Aegrotae duas doses hydrarg. muriat. mit. gr. x tertia quaque hora, et tempore interjecto moschi gr. ij singulis horis data sunt; circa horam quartam post meridiem superfusio capitis denuo instituta est. Status aegrotae usque ad vesperem non mutatus est. Tum major inquietus intravit et circa horam decimam mulier primum quaerentibus respondit. Die proximo mercurius dulcis minore dosi datus est. Die 13 mulier tantum de perturbatione capitis conquesta est. Aliquot doses ejusdem medicamenti et sinapismi cervici adhibita sunt. Hic status ad diem 17 duravit, tum vehementer diarrhoea intravit. Mucilaginosa ordinata et die 19 vespere aliquot guttae tinctur. opii simpl. additae, quo facto diarrhoea evanuit. Pulsus, qui semper ad ictus $115 - 120$ acceleratus erat, die 21 ejusdem mensis usque ad 90 deminutus est. Die 27 mulier valetudine plane restituta dimissa est.

III.

Julia Anderson, ancilla ex hac urbe, annos 25 nata, media statura, valida corporis structura, specie sana, robusta, die 22 mensis Aprilis 1847 primum gravida in nosocomio obstetricio

recepta est. Usque ad diem 28 optime se habuit, nisi quod oedema extremitatum inferiorum, laterum abdominis et faciei in dies crevit. Jam illo die mane capit is dolore et vertigine pressa erat, sed utrumque occultavit. Post meridiem hora quinta, in lecto sedens, convulsionibus aperte eclampticis correpta est: facies livido-rubida, oculi contorti, pupilla dilatata, animi defectus, spuma in ore, convulsiones extremitatum. Venae sectione $13\frac{3}{4}$ statim instituta, femina, mentis suae compos facta, conqueri coepit de doloribus in regione hypogastrica, qui manifeste dolores partus erant; hora $5\frac{3}{4}$ novus convulsionum impetus apparuit; eodem tempore velamenta ovi rupta, dolores frequentiores et vehementiores facti sunt; hora 6 minut. 10 puer natus est plane evolutus et bene figuratus, sed asphyxia oppressus; mox tamen in vitam vocatus est. Post aliquot horas venae sectione $9\frac{3}{4}$ instituta et nonnullae doses mercur. dulc. datae sunt, ut derivatio in tubum intestinalem efficiatur. Impetus desierunt, puerperium normaliter finitum et mater cum infante optima valetudine die 20 mensis Maji dimissa est.

III.

Maria Feldmann, puella Esthonica, 40 annos nata, media statura, robusta corporis structura, die 27 mensis Februarii 1848 excepta est. Ex obstetricia observatione interna graviditas prima usque ad finem noni mensis progressa apparuit. In normalibus pelvis dimensionibus prosper exitus partus, praesertim quum caput infantis jam in pelvi minore esset, exspectari licet. Attamen curam aliquam movit magnum oedema non solum extremitatum inferiorum, sed etiam totius trunci, praecipue laterum abdominis et extremitatum superiorum; urina magnam copiam albuminis continuit. Ad oedema amovendum diuretica adhibita sunt: herb. digital $3j$ in $\frac{3}{4}l$ aquae cum 3β kali acetic, quae remedia, usque ad partum continuata, parum auxilii attulerunt. Partu instantे die 3 mens. Aprilis hora 9 parturiens jam in primo partus dolore insolitam sensibilitatem ostendit, ita ut dolore

oppressa corrueret. Si jam primus dolor cum tantis molestiis conjunctus erat, apparitiones postea multo vehementiores factae sunt. Parturiens in lecto vix retineri potuit, clamavit, membra jactavit et quasi insaniens inter dolores partus se gessit. Proxima die hora 8 mane os uteri supra digitum dilatum erat; evolutio partium sexualium normalis fuit et in permagna sensibilitate nec convulsivae nec inflammatoriae apparitiones uteri adfuerunt. Attamen cauti venaesectionem 3xii instituimus. Partus longius progressus est; hora 11 1/4 os uteri circa duos digitos apertum erat. Hora 12 femina, in lecto jacens, clamorem acutum edidit, animo defecit; oculi in partem superiorem distorti, facies et musculi colli convulsionibus clonicis correpta sunt, quae mox per extremitates diffundebantur; facies cyanea facta, spuma in ore, respiratio admodum impedita. Haec Eclampsiae symptomata novam venaesectionem 3xii et superfusionem capitis subitam aqua frigida institui jusserunt; praeterea partus accelerandus erat. Sed antequam lectum praeparatum est, aegrota, postquam impetus 29 minutus duravit, mentis suea compos facta est. Forceps capiti, jam in pelvem minorem delapso, adnotus est, quae operatio propter permagnam aegrotae sensibilitatem admodum difficilis fuit. Caput tandem forcipe apprehensum est, tum evolutio infantis tractibus satis facile processit. Infans aegre vivus, aqua frigida conspersus, fortiter clamavit; post breve tempus placenta amota, partus finitus est; puerpera in somnum incidit. Hora autem 1 1/2 subito expperfecta est, torvo oculo; mox denuo defecit animo; convulsiones supra descriptae apparuerunt. Venaesectio instituta est, sed propter mobilitatem feminae tantum 3vi—vii sanguinis emitti potuerunt; praeterea superfusiones capitis adhibitae sunt. Post 10 minutus femina mentis compos facta est, superfusiones autem, brevibus intervallis interjectis, per 15 minutus continuabantur; pedes fomentis involuti et per aliquot horas tres majores doses mercur. dulc. cum rad. jalappae adhibitae sunt. Puerpera in somnum incidit et brevi tantum interruptione usque ad proximum mane dormi-

vit; nocte paululum sudaverat et aliquoties alvum deposuerat. Conquesta est solum de capitis perturbatione, quae aliquot dies permansit; pulsus ad 100—104 ictus acceleratus erat. Hae apparitiones autem evanuerunt et finito puerperio femina ipsa sana cum sano infante dimissa est.

IV.

Puella Esthonica, 23 annos nata, bona et valida corporis structura, flavis capillis, oculis caeruleis, colore tenero, genis rubris, primum gravida, ex ipsius et familiarium relatione per totam graviditatem usque ad initium mensis decimi optime se habuerat. Die 24 mensis Maji 1837 mane dolore capitis pressa, fessa, somnolenta fuerat, sed nullam curam adhibuit. Hora 7 primo convulsionum impetu subito correpta, torvum clamavit et animo defecit; quo tempore prof. Walter accitus est, jam duo impetus fuerant; tertium praesens observavit. Facies livido-rubida, labia fere cyanea, caput ardens, venae turgidae, oculi distorti, spuma in ore, extremitates clonice motae. Intervallis mentis compos facta non est; respiratio stertorosa. Venaesectio 3xviii instituta, superfusiones capitis aqua frigida aliquot minutus continuatae sunt. Tum aegrota, mentis compos facta, eorum, quae facta erant, non recordata est. Pulvis ex mercurii dulcis gr. vi et radic. jalappae gr. xv praebitus est. Die 25 mens. Maji admodum fessa, debilitata erat, ceterum bene se habuit; ter alvum depositum. Die 16 mens. Junii partus normalis processit. Puerperium normaliter finitum est.

Libri, in quibus de Eclampsia scriptum est, in usum a nobis vocati.

François Mauriceau, traité des maladies des femmes grosses et de celles qui sont accouchées. A Paris 1740. Tom. I. et II.

Franciscus Boissier de Sauvages, nosologia methodica sistens morborum classes. Amstelodami 1768. Tom. I.

Samuel Merriman, die regelwidrigen Geburten und ihre Behandlung. Aus dem Englischen übersetzt von Herm. Friedr. Kilian. Mannheim u. Leipzig 1831.

Baudelocque, Anleitung zur Entbindungskunst; mit Anmerkungen versehen von Phil. Friedr. Meckel. Leipzig 1791.

Joh. Osiander, Beitrag zur Lehre von den Convulsionen der Gebärenden; gemeinsame deutsche Zeitschrift für Geburtshütung. Weimar 1828. 2. Band.

Carl Gustav Carus, Lehrbuch der Gynäkologie. Leipzig 1820. 2. Theil. *M. Chaussier*, considérations sur les convulsions qui attaquent les femmes enceintes. A Paris 1824.

Justus Heinrich Wigand, die Geburt des Menschen in physiologisch-diätischer und pathologisch-therapeutischer Beziehung; herausgegeben von Franz Carl Naegle. Berlin 1820. 1. Band.

Friedrich Ludwig Meissner, die Forschungen des neunzehnten Jahrhunderts im Gebiete der Geburtshütung, Frauenzimmer- und Kinderkrankheiten. Leipzig 1826 u. 1833. 1. u. 4. Theil.

A. Elias v. Siebold, Handbuch zur Erkenntniss und Heilung der Frauenzimmerkrankheiten. Frankfurt am Main 1823. 2. Band.

Universitatis Caesareae literarum Dorpatensi, Rutheniae decori, pridie Id. Decembr. anni 1827, quinque lustrorum, inde ab instauratione feliciter peractorum Solemnia pia laetaque mente gratulatur Societas medicorum practicorum Rigenensis. Insunt: binæ observationes de virtutibus acidi hydrocyanici in tetano et eclampsia parturientium. Rigae 1827.

Joh. Christ. Gottfr. Jörg, Handbuch der Krankheiten des Weibes. Leipzig 1831.

J. Capuron, cours théorétique et pratique d'accouchemens. Bruxelles 1832.

Alf. Velpéau, traité complet de l'art des accouchemens. Bruxelles 1835.

John Burns, Handbuch der Geburtshütung mit Inbegriff der Weiber- und Kinderkrankheiten; herausgeg. von H. F. Kilian. Bonn 1834.

William P. Dewees, die Krankheiten des Weibes; aus dem Englischen übersetzt von A. Moser, mit Zusätzen und Anmerkungen versehen von Dietr. Wilh. Heinr. Busch. Berlin 1837.

James Hamilton, praktische Bemerkungen über verschiedene geburtshülfliche Gegenstände, Ergebnisse einer 50jährigen Erfahrung; deutsch bearbeitet von einem praktischen Arzte. Berlin 1838.

James Blundell, Vorlesungen über Geburtshütung; deutsch bearbeitet von Ludwig Calmann. Leipzig 1838.

Dietr. Wilh. Heinrich Busch u. A. Moser. Handbuch der Geburtshütung in alphabetischer Ordnung. Berlin 1841. 5. Lieferung.

Franz Kiwisch Ritter v. Rotterau, die Krankheiten der Wochnerinnen. Prag 1841. 2. Theil.

C. Canstatt, Handbuch der medicinischen Klinik. Erlangen 1843. 3. Band, 1. Abtheilung.

Friedr. Ludwig Meissner, die Frauenzimmerkrankheiten nach den neuesten Ansichten u. Erfahrungen. Leipzig 1846. 3. Bd., 1. Abthlg.

Franz Kiwisch Ritter v. Rotterau, Beiträge zur Geburtshütung. Würzburg 1846. 1. Abtheilung.

Marshall-Hall, Beobachtungen und Vorschläge aus dem Gebiete der praktischen Medicin; deutsch bearbeitet von L. Posner. Leipzig u. Wien 1847.

Carl Mayer, medicinische Zeitung, herausgegeben von dem Verein für Heilkunde in Preussen. Berlin 1833: 2. Jahrgang.

Betschler, medicinische Zeitung, herausgegeben von dem Verein für Heilkunde in Preussen. Berlin 1834; 3. Jahrgang.

von Haselberg, Wochenschrift für die gesammte Heilkunde, herausgegeben von J. L. Casper. Berlin 1834. Jahrgang 1834.

Bluff, in *E. v. Siebold's Journal für Geburtshütung, Frauenzimmer- und Kinderkrankheiten*. Leipzig 1835. 15. Bandes 1. Stück.

Robert Johns, neue Zeitschrift für Geburtshütung, herausgegeben von Busch, d'Outrepont, v. Ritgen, v. Siebold. Berlin 1844. 16. Bd.

Carl Christian Schmidt, Jahrbücher der in- und ausländischen gesammten Medicin: *Ludwig Ciniselli*, Band 4, Heft 3; — *Tiling* Band 13, Heft 2; — *Vonderfuhr* Band 20, Hft 2; — *Sherman* Band 20, Heft 2; — *Ernst Reinfeld* Band 20, Heft 2; — *Bendix* Bd. 20, Heft 2; — *W. Denny* Band 20, Heft 2; — *M. Haussmann* Bd. 28, Heft 2; — *Dornblüh* Band 41, Heft 1; — *Stoll* Band 30, Heft 1; — *P. Dubois* Band 42, Heft 2; — *Bibergeil* Band 45,

Heft 2; — *Charl. Vines* Band 50, Heft 2. *Thom. R. Mitchell*,
Jahrgang 1847, Nr. 5; — *Dr. Landsberg*, Jahrgang 1847, Nr. 1.

Carl Christian Schmidt, Encyclopädie der gesammten Medicin im Verein
mit mehreren Aerzten herausgegeben. Leipzig 1841. 2. Band,
1. Hälfte.

Complures alii de Eclampsia tractatus, qui ad manus nobis
non fuerunt, laudati sunt a

C. Canstatt, Handbuch der medicinischen Klinik. Erlangen 1843. 3. Bd.,
1. Abtheilung.

Friedrich Ludwig Meissner, die Frauenzimmerkrankheiten nach den neuen-
sten Ansichten und Erfahrungen. Leipzig 1846. 3 Bd., 1. Abthlg.

Dietr. Wilh. Heinrich Busch und *A. Moser*. Handbuch der Geburtkunde
in alphabetische Ordnung. Berlin 1841. 5. Lieferung.

THESES.

- 1) Versio in pedes, secundum methodum medicorum Francogallorum instituta, praferenda est methodo medicorum Germanorum.
- 2) Usus belladonnae, prophylacticum febris scarlatinae, refutandus est.
- 3) Febris scarlatina, cum tumore magno et duro (sic dicto ligneo) glandulae parotidis conjuncta, forma hujus morbi maxime periculosa est.
- 4) Acarus scabiei scabiem provocat.
- 5) Decoctum Zittmanni praferendum non est decocto lignorum.
- 6) In cataracta lentis crystallinae extractio per incisionem cornea in partem superiorem praferenda est extractioni per incisionem in partem inferiorem.